

Zirlai, hna zawng mek leh hna-thawh mek te tan Hostel fai leh thiangleim, ei leh in tuihna, tui hniangleh, free wi-fi, two wheel-free parking awm thlap, thlenin mamawh tan pawh man tlawm tein a thlen theih bawh e.

Rainbow Hostel
Y-131, MZU Road,
Luangmual, Aizawl
Ph. 9436140576 / 7005598481

The Aizawl Post

RNI Regn. No. MIZMIZ/2003/12043 Postal Regn No. MZR/56/2018-2020

World Cup kan thlahliam ta...

P-6

A zawna zan 10 nan US-in Iran kap, Tehran-in chhang ve zel

P-4

Project SWITCH by SWITCH project hmasa ber July 23-ah

P-8

VOL. XXV NO. 180 AIZAWL, NINGANI, JULY 23, 2026

A man: Thla khatah Rs. 200



The Aizawl Post
Office : G-7, Chanmari,
Aizawl; Mizoram
796 007
Ph: 2341869
Website:
https://theaizawlpost.org
e-mail :
aizawlpost@rediffmail.com
theaizawlpost@gmail.com

Circulation Manager
700559856

VAWIIN KHAW CHIN

Time	Forecast	Temp.
Zan dar 11- zing dar 5		19°
Zing dar 5 - chhun dar 11		21°
Chhun dar 11 - tlai dar 5		23°
Tlai dar 5 - zan dar 11		20°

CHANCHIN TAWI

Chesual

Central YMA president R Lalingheta chu nimir, July 22 chawhnu lam Khan Ngaizel pheihai scooter-in a chesual a, a ban bul veilam ruh sawh chhia in nizan Khan Trinity Hospital Silai Mualah zai ngah a ni. A ruh a sawhchhiatna laiah hian thir an phum dawn niin doctor-te chuan an sawi.

Punkhawm

Vawiin, July 23 chawhnu dar 11.00 hian NEET (UG) 2026 exam zawhna putru avanga harsatna thlang mek leh India rama zima kalphung felfai zawk a awm theihna turte, exam system thiangleim zawk a awm theihna tur leh zirlai rilru thiangleim tak tak tena harsatna tawh an awm tawh lohna turin 'Peaceful Protest' an nei dawn tih Mizo Zirlai Pawl chuan an sawi a. Zirlai leh mipui, zira ngaipawimawha dikna duh zawng zawng tel vek turin an sawm tih an sawi.

Thukhawm

Inter- Departmental Coordination Committee (IDCC) on Civil Registration System Siaha District chu nimir Khan District Registrar of Births & Deaths, bawhsap VL Hruaizela Khiangte kaihhrualin an thukhawm. Registrar chuan, an thukhawm chuan hi Special Intensive Revision kalpui mek nen inkungkaiha thuk tak a nei a, SIR inngahna ber a ni zawk tih a sawi. Electoral roll hrisel leh thiangleim neih theihna turin India khua leh tui dik tak chauh Birth certificate pek an nih theihnan fimkhur a tul hle tih a sawi bawh.

By election

State Election Commission Mizoram chuan East Lungdar Village Council by-election neih hun atan 2026 August 20 a ruat a, zing dar 7.00 atanga tiai dar 5.00 inkar chhungin vote thlak a n anga, vote thlak hun a zawh veleh chhian zui ngah a ni ang. Inthlan hun tur puan rual hian E. Lungdar Village Council huamchhungah model code of conduct hman tan ngah a ni a, result puan thlang a huam ang. Inthlan kaihhrualin zawng zawng hi August 25-a zawh tel tura tih a ni.

Champhai NGO lungawilo

Champhaia Conservator of Forests (Eastern Circle) dah tawh, sawrkarin Aizawla a sawn chu an do tlat dawn tih Champhai NGO chuan an sawi.

Champhai District NGO Coordination Committee thuchhuak chuan, Mizoram sawrkarin kumin July 20-a hriattirna a tihchhuahah, Conser-

vator of Forests (Eastern Circle) Champhaia awm sa thiat a Conservator of Forests (Working, Plan, Research and Development) tia thlaka Aizawla a sawn chu an district mipuiin pawl an tiin a thawng hle tih a sawi.

Sawrkar kalta in harsa tak leh duhsak taka Conservator of Forests (Eastern Circle) a pek,

heti maia sawn sak an ni chu Champhai district mipui an thamlohnaah an ngai tih sawiin, 'Conservator of Forests (Eastern Circle) thiah leh sawnna order hi July 2026 ralhma ngeia sut turin Mizoram sawrkar kan phut a, order hi sut a nih loh chuan a tawp thlengin Champhai district mipuiin kan do tlat dawn,' a ti.

Kum tling lo pawngsualtu hrem

Court chuan kum tling lo hmeichhia pawngsualtu Lalramtia (56), Vairengte IOC Veng chu hrehawm taka kum 10 chhung lung in tang tur leh sumfai Rs. 50000 chawi turin a hrem.

Thudawn danin, 2023 May 22 khan nu

pakhatin a fanu kum 12 mi chu Lalramtia hian hursualna lam hawin a lo kawahin thin tih a sawi a. A fanu hian a bula a sawi hnu ah hriatchhuah niin, Vairengte Police Station-ah FIR a thehluat a ni.

Thubuai ngaihtuaktu Kolasib Fast Track Court judge R Vanlalena ch-

uan, finfiahna leh thuhretu hrang hrang thusawi atangin Lalramtia hi thiam loh a chantir a. Hrehawm taka kum 10 chhung lung in tang tur leh Rs. 50000 chawi turin a hrem. A sumfai chawi tur hi a pe tla thei lo a nih chuan thla 6 dang lung inah a tan belh dawn a ni.

Meth leh heroin man hnem

Tunhnai Khan Mizoram Police chuan Aizawl leh a chhehvelah heroin leh methamphetamine thahnem tak an man.

July 22 khan Special Narcotics Police Station leh 34 Assam Rifles tangdun chuan Khatla Aizawl-ah heroin gram 21.330 a an man. Ruihhlo hi R Lalhumbima (26), Chhawrtui Khawzawl district chhuak, tuna BSUP Lawipu Aizawl-a cheng mek kut atangin man a ni. ND&PS Act hnuaiah thubuai ziahluh a ni.

July 21 khan CID (SB) leh Kolasib DEF tangdun chuan Khamrang khaw daia national highway-ah ruihhlo vai beihpui an thlak a. Methamphetamine mum nuai 15 vel, kg

15 a rit an man. He thila inhnammhawi mi pali - Sailothanga Sailo (42), Venglai Kolasib; Lalhchuanmawia (23) Goson Veng Kolasib; Vanlalhlana (32), Diakkawn Kolasib leh Laldinpui (43), Vengthar Kolasib an man a. Kawnpui Police Station-ah ND&PS Act 1985 tlawhchhanin thubuai ziahluh a ni.

July 21 zan dar 7.00 vel khan DSB Lunglei leh 92 Bn BSF Zotlang Lunglei tangdun chuan Sethlun Lunglei-ah heroin gram 71.59 (hawng 6) an man a; mi pahni - Malsawmdawnga (33), Champhai Vengthlang leh Lalzarmawii (34), Bazar Veng Lunglei man telin, Lunglei Police Station-ah thubuai ziahluh a ni.

July 17 zan dar 6.00 vel khan CID (SB) Operation Team chuan New Look Restaurant Chanmari Kawn Aizawl an dap a. Restaurant-ah hian methamphetamine kg 4.770, an man. He thila inhnammhawi Karimganj district Assam lam mi pathum - Juber Ahmed (24), Md Sirajul Hoque (24) leh Sakir Hussain (21) man an ni a, ND&PS Act hnuaiah thubuai siamsak an ni.

Hemi ni vek zan dar 9.40 vel khan CID (SB) Team hian Thuampui Aizawla Delhi Dhaba bulah lirthei pakhat, Malsawmtluanga (29), Zokhawthar Champhai district khalh atangin methamphetamine kg 9.016 an man a, ND&PS Act hnuaiah thubuai ziahluh a ni.

Indian education system siamthat duhin Aizawlah zirlai pungkhawm

Aizawl, July 23

Kumina National Eligibility cum Entrance Test exam zawhna leak out leh exam dang zawhna leak out kaihhrualin Union Education minister bang tura phutna leh India ram education system siamthat duhin Nilaini Khan Aizawlah zirlaiten punkhawm an huaihawt a. Political party-te pawhin an thlawpna thu an tichhuak.



NEET exam paper leak out thu kal zela lungawilohna leh sawrkar laipui laka thil phut neituten India ram khawpui New Delhi bakah khawpui hrang hrangah tunlai hian tharum tel loa punkhawm huaihawt mek zel a ni a. Mizoram pawh mi thahnemngai zirlai leh zima kalphung tha zawk duhtute intelkhawm huaihawtin Aizawlah punkhawm huaihawt a ni.

Thusawitu hrang hrangten NEET exam zawhna leak out tuartu zingah Mizo thalai tam tak

an tel avangin hei hian thuk takin Mizote pawh min ngawng tih an sawi a. Central-a BJP kaihhrualin sawrkarin education system a kalpui dan leh kalpui a tum dana tha lo an tih lai pawh sawichhuakin, siamthat a tul thu an sawi a ni.

Punkhawmte hian darkar 4 chuang hun an hmang a. Social activist, university zirtirtu, university leh college zirlai bakah a hnuaial zirlai atangin an lungawilohna leh siamthat an duhna lai auchhuahpuiin, punkhawmna pui ber New Delhi-a zirlaiten

punkhawm chhan chu an thlawp tih an sawi a, an thlawp zia lantirin an aural bawh.

Punkhawm hi political party lam pawhin an thlawp tih an sawi a. Sawrkar lai ZPM Media chairman, minister B Lalchhanzova chuan thuchah siamin, India ramah thalai, zirlai mak-taduai tam takin NEET examination question paper putru avanga harsatna leh manganna an tawh mek a. Aizawla zirlai pungkhawm zinga tam takin 'professional course' an neihna turin an bei a. India ram laili

chauh ni lo, keini state te pawh min ngawng a, a pawl hle tih a sawi a ni.

Zirlaiten hun leh sum hloh, an rilru a thalo zawnga a ngawngna avangin pawl a tih thu sawiin, "ZPM chuan he thil thlang hi pawl kan ti a, nu leh pa tam tak rilru a na a. Chutihual chuan buaina siam lo zawnga zirlai rilru dik puten an dikna chanvo atana an beihna hi kan thlawp tlat a ni," a ti.

Zirlai thalaite manganna chu thinlung takin ZPM chuan a tawrhpuin an hriatpui tih a sawi a. (p-2-ah chhunzawm...)

8th Schedule-a Mizo tawng dah hi tribal nihna a bona tur a ni lo

- Lalduhoma

India danpui Eight Schedule-a Mizo tawng dah chu tribal kan nihna a bo phanna tur a ni lo tih chief minister Lalduhoma chuan a sawi.

Nilainia Prof. Laltluangliana Khiangte lehkhahu pahni a tlang-zarhnaah chief minister chuan, Eighth Schedule huanga Mizo tawng telh a nih theihnan hman a la mek a. Sawrkar laipuih Eight Schedule-a Mizo tawng khung ve theihna tur tha tak an thehluat tih sawiin, Eight Schedule huanga Mizo tawng

dahluh chu tribal nihna a bona tur a ni lo tih a sawi.

Mizo literature chu hnam dang tawngin a tam thei ang ber lehlin a pawimawh tih a sawi a. Sap tawng, Hindi, Bengali, a theih chuan khawvela tawng lian dang dang pawha letlingin, internet khawvelah dah chhuah ni zel se, kan ram leh kan hnam phochhuahna tha tak an ni anga, Mizo tawng humhalhna a ni bawh tih a sawi a ni.

Mizo tawng chu internet-a dahluh tam a tul tih chief minister hian a sawi. "Mizo tawng thumal leh chumi tlukpui Sap tawng leh Hindi (a lehlinna) kan neih tam khan AI thiamna hmanga Mizo tawnga hna kan thawhna lamah min tanpui a. Hnamdangten Mizo tawng

ng anmahni tawnga an lo lehlin zung zung theihnan a tanpui thin. Kum 2022 atangin Google translate chuan Mizo tawng a senglut ve tawh a, tunah chuan Google leh language based AI hi Mizo tawngin kan hmang ve thei tawh. Hei hi khawvel changkang zela kan mamawh em em thil a ni," a ti.

Mizo ziamkite nena hun an lo hman ho tawhnaah a ngaimawh zawng thil a lo sawi ve thin a. Tuna lehkhahu an tlang-zarh pahnihaw pawh hian a ngaimawh thil, a lo sawi ve fo thin thihlawhtlinna zing ami a ni tih a sawi bawh.

Lehkhahu tlang-zarh tak hi ziamki hrang hrangin Prof. Laltluangliana Khiangte chanchin an ziah dahkhawmna

lehkhahu "Zawhzawzo Val" (Festschrift - An damlaia mithiamte chawimawina lehkhahu) leh Prof. Laltluangliana Khiangte ziah lehkhahu dang pahni a. Lalzika leh Vangthangi, Sap tawnga ziah leh "Teaching of Mizo Language in Secondary School" Dr. Lalramliana nena Sap tawnga an ziah (co-author) a ni a. Khualzahawm Mizoram University vice chancellor Prof. Dibakar Chandra Deka chuan "Pasaltha Khuangchera" bu, Bengali tawnga ziah a tlang-zarh bawh.



"Satire and the Mizo (Zephyr's Reformatory Mirror)" tih bu, sap tawnga ziah, Immanuel Lalramenkima ziah chu Thawhleini Khan HATIM, Lungleiah H Rotluanga'n a tlangzarh.

Kuminah drugs license 23 titawp tawh

POST NEWS SERVICE

Damdawi zuar turin phalna lak a ngai a, drugs license nei lovin damdawi a zawrh theih loh. License neite'n dan an zawm a ngai a, dan an zawm loh chuan a tihtawp theih. Kuminah pawh drugs license hi 23 tihtawp (cancel) a ni tawh.

Health & Family Welfare department hnuaia Food & Drugs Administration (FDA) wing te'n kuminah July ni 15 thlang khan drugs license hi 23 an cancel tawh a, damdawi ruih theih zawrh vanga cancel an tam ber.

FDA-in an chhinchhiah danin, damdawi ruih theih chi, codeine, syrup, tramadol, alprazolam, tapentadol leh a dange an kawh vang leh dik lo taka an hralh avanga license tihtawp pakua an awm a, Siaha-ah panga, Aizawlah pahni, thingthlang khaw dangah pahni an awm. A dange chu an phalna neih anga kal lo conditions of license

bawhchhiat vang te, license neituin a surrender vanga cancel te an ni.

Cancel bakah hian tihtawp lailaw (suspend) a awm bawh a, kumin FDA hian drugs license 137 an suspend tawh.

Thu dawn danin, suspend chhan hrang hrang a awm a, restricted license nei damdawi dawrah an license huam phak loh damdawi, tam thama zawrh a nihin a tirah zuar tawh lo tura hriattir an ni pahw a, thla hnih thla thum hnua an endik lehin an zawrh loh tur an lo la zawrhin an license chu tihtawp lailaw (suspend) a ni thin. Damdawi dawrah pharmacist an rawihin danin a phut anga a enkawl lohvin license hi an suspend thin bawh. Damdawi ruih theih, ruih nana hman thin kawh leh hralh vangin an suspend t hin bawh.

Kumina drugs license an suspend-ah hian a tam ber chu Aizawl khawpui huam chhunga mi a ni a, Aizawlah hian ngawrh taka an endik avangin suspend pawh a tam tih thu dawn a ni.



पंजाब नैशनल बैंक punjab national bank			
HUMAN RESOURCES DIVISION, HEAD OFFICE PLOT NO. 4, SECTOR 10, DWARKA, NEW DELHI - 110075			
PUNJAB NATIONAL BANK CHUAN LOCAL BANK OFFICER JMG SCALE-I HNA ATAN ONLINE A DILNA A HAWNG E.			
Hna hming	Post Ruak zat	Kum (01.07.2026-a chhutin)	Zirma neih ngei ngei tur / Tawng Thianna/ Tawnhrut
Local Bank Officer (LBO)	545	Tiem ber: 20 Tam ber: 30	Graduate (09.08.2026 thlengin) Government of India emaw a regulatory bodies hriatpui leh pawm University / Institution atanga eng subject pawha Graduate chin a ni tur a ni. Tawng Thianna. I dilna State-a specified local language chhian, ziah leh tawng thianna ngei tur a ni. Scheduled Commercial Bank emaw Regional Rural Bank (RBI Act, 1934-a Second Schedule-a tarlan) ah Clerical emaw Officer Cadre-ah post-qualification work experience kum 1 a tiem ber nei tawh a ni tur a ni.
Application hi ni 20.07.2026 atanga 09.08.2026 chhung hian online chauh a thehluh tur a ni. Hreching duh leh online-a application thehluh duh tan Bank website-a Recruitment link hi tlawh tur a ni: https://pnbbank.in/Recruitments.aspx Date:20.07.2026			
General Manager (HRD)			

Rahul man vanging MPCC pungkhawm

New Delhi-a zirlaite punkhawm kaihnhaw-ihah Congress hruiatu, Lok Sabha leader of opposition Rahul Gandhi chu Thawhlelni khan Delhi Police-in hruiatu dang thenkhat nen an hreng a, hemi duhlohna avang hian Mizoram Pradesh Congress Committee chuan Mizoram larsap hnenah memorandum thehlutin Thawhlelni zan khan Lok Bhavan kawtah an pungkhawm.

MPCC thuchhuak chuan, July 21 khan Delhi-a zirlaite leh police innawrna nasa tak kara zirlai thlawpa kal Rahul Gandhi kutthlaka man a nih thu sawiin, hemi duhlohna lantirin Lok Bhavan luhna bulah an pungkhawm tih a sawi a. Larsap hnenah MPCC hotuten memorandum



thehlutin, zirlaite thlawng hauhna chu kalpui zel an tum tih an sawi.

Punkhawmna a MPCC senior vice president Lalnunmawia Chu-aungo chuan, AICC president Pu Mallikharjun Kharge leh leader of Opposition Rahul Gandhi te

chuan zirlaite thlawng hauhin an nawr a. India rama zirlaite hmakhua an ngaih avangin India rama state zawng zawngah July 21 zan hian Raj Bhavan kawtah an pungkhawm a, Prime minister Narendra Modi hnenah larsap kaltlangin

memorandum an thehlut tih a sawi.

AICC-a an hotuten sawrkar laipui an nawr mekna an thlawp a. Zirlaiten dan hnuai an chanvo humhim zo lo leh chuti zawnga hma la duhlo sawrkar laipui chu an dem a, hemi atana mawh-

phurhna la hmasa ber tur Union Education minister Dharmendra Pradhan chu bang turin an ngen tih a sawi a ni.

“Thil dik lo leh fello nasa tak a awm chung pawha central sawrkarin a tih tur a tihloh hi Parliament-ah sawiho ngei turin kan phut a ni,” a ti baw.

Sawrkar laipuiin hma a la zui lo a nih chuan thalai leh zirlaite hmakhua ngaiin, an chanvo humhim sak an nih theihnang Congress party chuan hma an la zui zel dawn a, Indian National Congress chu zirlaite, thalaite tan an ding zel dawn tih MPCC hruiatu hian a sawi a ni.

He hunah hian AICC in-charge Mizoram Mathew Antony pawhin thu a sawi a ni.

Indian education system siamthat duhin Aizawlah zirlai pungkhawm

(phek hma zawmna...)

ZPM sawrkar chuan thei-tawp chhuahin dik takin police lak dan bakah office hna lakah pawh a dik thei ang bera kalpuiin, siamthat ngai leh tihdik ngai la awm chu a tha thei angin an kalpui zel dawn tih a sawi a ni.

MNF Gen. Hqrs. chuan thuchhuah siamin, Mizo thalai rualin an dikna chanvo humhalha atana huaisen taka an penchhuak chu an thlawp a. Zirlaiten an chanvo thuneihna hmanga rahbeh sak an duhlohna leh hemi avanga tuartute thlawng an hauhsak chu an tih tur dik tak ti ah an ngai a, huaisen taka thudik tungdinga pen zel turin an chah tih a sawi.

Rim taka zir a, thei-tawp chhuahthe dikna chanvo tihbawrhban sak an ni thin chu India ram kalphung diklo lian tak a ni tih sawiin, “Thudik tundin duhna leh sual

huatna hi Mizo nationalism laimu a ni a, huaisen taka ram leh hnam tana penchhuah hi kan nationalism kawngpui a ni. Thalai rual heti zat chut-ang tingam tur penchhuak an awm hi a thlamuanthlak takzet,’ a ti.

Zirlaite chanvo tihbawrhban kawngah tunnhnaih MPSC hnuai pawh sawi tur a awm nual chu pawin an tih thu MNF hian sawiin, sawrkarin zirlaite rilru thianghlim tak hmanga thudik tundin an duhna hi hrechiangin, thil diklo awmte chhuichiang a, hma la nghal turin an phut tih a sawi a ni.

He punkhawmna hian kan hmalama Zoram ti eng se, India ram pawhin Mizoram thalaiten sual an hua a, nawmsipbawlna hmanga kan ram suasam an remti ve lo a ni tih lo hre mawlh se kan duh a ni,’ a ti.

National Stu-

dent Union of India (Mizoram) pawhin, NEET leh exam dang engemawzata paper leak nasa tak avang leh, hemi kaihnhawih India ram zirlaiten lungawilohna an lantir mek leh, zirlai pungkhawmtan an phut - Union Education minister Dharmendra Pradhan ban tir, paper leak victim zirlaite hnenah zangnadawmna cheng vaibelchhe 1 pek, Indian education system siamthat chu an thlawp tih a sawi.

“India ram hmunda lungawilohna lantirtu zirlaite thlawpa Mizoram zirlaiten hma an la leh, punkhawm an buatsaih hi NSUI (Mizoram) chuan kan thlawp a. Tuma fuihpawrh ni loa, dikna leh siamthat duhna avanga huaisen taka penchhuak zirlai zawng zawngte kan chhuang takzet a. Zirma humhalh tura huaisen taka penchhuak zel turin kan ngen baw,’ a ti.

Speaker-in Telangana speaker kawm



Mizoram Legislative Assembly speaker Lalbiakzama chuan Nilaini khan Vidhan Sabha Hyderabad, telangana-ah an State Legislative Assembly speaker Gaddam Prasad Kumar hmuin an inkawm.

Speaker pahnih hian an State Assembly ve vea an kalphung an sawidun a, state puitling leh lian zawk telangana atangin

Mizoram-in thurawn a mamawh thin tih Lalbiakzama hian sawiin, Mizoram leh telangana chuan thawh dunna tha zawk an neih a duh tih a sawi.

telangana Assembly speaker pawhin Mizoram inrelbawl dan fakinn, Mizoram-in remna leh muanna an neih ang hi telangana state tan a awh tih a lo hrilh

a. Mizoram speaker hian Gaddam Prasad Kumar hi remchang hmasa be-rah Mizoram tlawh turin a sawm a ni.

telangana hi bicameral system sawrkar niin, legislature (MLA 119) leh Council (MLC 40) an nei a. telangana state khawpui Hyderabad-ah hian an state pumpuia mipui zaa 50% an khaw- sa tih sawi a ni.

Kuhva ro lakluh khap

Kolasib district chhungah ram pawn atanga dan loa kuhva ro lakluh a nih lohna turin district magistrate chuan danin thuneihna a pek angin thupek thar a tichhuak a. Kolasib district huamchhungah dan phal lohina tumahin kuhva rah phur lut lo tur leh a paltlangna atan hmang lo turin a hriattir. Kolasib district-ah mi tumahin ram

pawn atanga lakluh kuhva (Burmese Areca nut) dah khawlna kudam siam lo tura tiin, kudam awmsa pawh SP Kolasib-in kalhin, thu leh awm hma chuan khawih chet awih a ni lo tih a sawi. He thupek hian chhuah a nih atanga ni 60 chhung a huam dawn a, dan bawhchhia chu Section 223 of BNS 2023 hmanga hrem an ni dawn tih a sawi a ni.

Lungleia ei in siamna hmun endik

Lunglei district chhunga vantlang tana ei leh in siamna hmuntien thianghlim leh hrisel taka ei siam leh zawrh an kalpui theihnana District Level Advisory Committee on Safe Food & Healthy Diets-in Joint Inspection Team a din chuan July 16 & 17 khan Lunglei khawpui chhunga ei leh in siamna hmun (food business operator) thenkhat an endik.

Joint Inspection Team hi sub-deputy commissioner Deepak Godara chuan hoin, Food & Drugs Administration, District Level Advisory Committee, District Agriculture Office leh Superintendent of Police Office aiawh an tel. Ei leh in siamna leh zawrhna hmun 20 (manufacturing unit 8 leh restaurant/ cafe 12) an tlawh.

Inspection Team hian restaurant, cafe, bakery leh ei leh in siamna leh zawrhna hmun dang tana endikna tur

duan sa hmangin an endik a. Food Safety Standards Authority of India (FSSAI) hnuai inkaihhruaina hrang hrang an zawm tak leh that loh, faina, thianghlimna leh hriselna kawnga an chet dan enin, an dinhmun azirin point an pe a. Lungleia ei leh in siamna hmun chu faina leh thi-anghlimna kawngah leh ei tur vawnthat danah an tha thawkhata hriat a ni a. FSSAI hnuai inkaihhruaina zawm chungchhangah duhthusam lo leh hmasawn ngai erawh an la awm tih hmuh a ni.

Endikna report bechchan hian dan zawm tha lo leh thianghlimna kawnga la hnufual deuh leh hmasawn ngai chu hmasawmna tur hriattirna (improvement notice) pek an ni dawn a. Hun tiam chhunga insiam tha lote chu Food Safety and Standards Act 2006 tlawh chhanin an chun- gah dan anga hma lak a ni ang.

Mamit Hospital sak thar inhlan fel

Mamit District Hospital building tih len hna chu zawh niin a satu Zamzo Engineering Construction & Consultancy chuan Mizoram sawrkar hnenah Nilaini khan a hlan.

Zamzo Engineering Construction & Consultancy neitu Ronnie Zol- annigura report danin, he project hi Power Finance Corporation Ltd. (PFC) New Delhi corporate social responsibility fund leh Mizoram sawrkar atangin 70:30 a inchaw- isema thawh a ni a, cheng vaibelchhe 17.934 sen a ni. Mamit Hospital hi chhawng 5-a sang niin, a

zau zawng square metre 4240.78 a ni. Inremna thu (MoA) hi 2020 March 6 khan thlun fel a ni a, Covid hriengin a ng- hawng lockdown avang leh building design siam danglam a ngaih avangin project hunbi tlai deuh mah se, hna zawhfel a ni a, completion certificate hi 2025 May 2 khan pek an ni.

He project hian hospital-a khum 30 awm sa atangin khum 100 nei IPD Block thar siam a ni a. Mamit district mipui tan quality tha zawka secondary healthcare service pek, nu leh nau enkawlna, emergency

service, operation the- atre, laboratory, imaging leh medical service hrang hrang a huam tel a ni.

Inhlanna hriatpuitu Health & Family Welfare minister Lalrinpui chuan, sawrkar hmasa lamah hospital building tihlenna turin MoA ziah a ni a. PFC New Delhi CSR fund hmanga he project hi kalpui niin, kum hmasa lamah sum an dawn kim loh avan- gin sak zawh a ni loa, inhlanchawn a la rem lo tih a sawi. tunah chuan Hospital IPD Block hi sak zawh ni tawhin, inhlanchawn theih a ni ta tih a sawi a ni.



THLUAK SAWIZAWINA

AZP CROSSWORD NO. 4069

1 2 3 4 5

6

8 9 10

11 12 13

14

15

16 17 18

19 20

21 22

23

PHEI : 2. sawi mawi, 6. sa pan/ria, 7. awlsam/harsa lo, 8. luah hnum/chenchilh, 12. sathau fe/a hriak lakna hnu, 15. pianpui, 16. lu hnung lam pang, 21. zu chi khat, 22. a tak angpui/a tak ang tak, 23. pakhat/chauh

CHHUK : 1. te chi, 3. pa lian lo, 4. an phuah thin, 5. thil dang pawlh loh, 9. tiam chin siam, 10. lepchiah, 11. thlawhhma, 13. chhum kang, 14. phelh/lalet, 17. chungu lian chi, 18. duhtui, 19. insawi fihlim tum, 20. al

T E L H D
H M U A M N A U T E
A U P
R U L V A N K A I
T A I U K
E W A H
M A W A
T H U A M H N A W
H L R
L A I M U R A M S A
A K H O M

No. 4068 chhanna

SuDoKu

No. 4071

2 5 7 3

3 8 2 5

6 2

2 1 3 7

4 9 6 5

SuDoKu

Khelhdan tur:

Number 1 atanga 9 dahkhah tur a ni a, number inang, a inzawnin dah awih a ni lovang, thluak hmanga uluk taka ngaih- tuah tur a ni e.

SuDoKu No. 4070 chhanna

7 3 6 5 8 1 4 2 9

5 4 2 3 9 7 1 6 8

1 9 8 2 6 4 7 3 5

9 8 5 4 7 3 6 1 2

6 2 3 1 5 9 8 7 4

4 1 7 8 2 6 5 9 3

8 7 9 6 4 2 3 5 1

3 6 4 9 1 5 2 8 7

2 5 1 7 3 8 9 4 6

Lungleiah hna zawngtu leh ruaitute indawr tawn theihna tur hmun siam

Labour, Employment, Skill Development & Entrepreneurship (LESDE) department Lunglei leh Govt J Buana College tangdun huaihawtin Thawhlelni khan Govt J. Buana College campus-ah hna zawngtute leh hnathawk ruaitute intawhkhawm kut-pui, “LESDE Job Fair & Career Fair 2026” buatsaih a ni. Fair hi sawrkar laipui Ministry of Labour and Employment hnuai National Career Service Project kaltlanga Model Career Centre Scheme atanga buatsaih a ni.

Job Fair hawngtu Lunglei bawrhsap Navneet Mann chuan, mahni intodelh a, chhungkua leh khawtlang tana mi tangkai ni turin eizawwna ngelnghet neih a pawimawh tih a sawi

a. Sawrkar hna chu hna ngheet leh him ni mah se, tunlai khawvelah eizawwna kawng awmchhun a ni tawh loa, sawrkar hna chauh thlir loin, sumdawwna leh mahni thiamthil hmanga eizawwna remchang awm chhawr tangkai turin a chah.

Entrepreneurship, internet leh social media hmanga sumdawwna (e-commerce) leh private sector-a hna hrang hrang chu eizawwna tlak a ni tih sawiin, Mizoramah pawh tualchhung sumdawng hlawhtling, self-help group leh ei tur sawngbawlna tha leh entawn tlak tak tak an awm thu a sawi a. Zirlaite’n college an kal chhungin lehkha zirna tluang pangngai bakah, vocational training leh thiamna (skill) dangte

pawh ngai pawimawh a, mahni hmasawwna tura theihna hrang hrang an neihte chher hriam turin a chah.

LESDE Job Fair-ah hian hnathawk ruaitu pawl/ sumdawng hrang hrang telin, stall 27 siam a ni a. Heng sector - financial institution, banking, healthcare, service, automobile, IT, FMCE, tourism & sospitality, beauty & wellness, etc. hnuai company hrang hrang inpho chhuakin, Mizo thalai hna zawng lai tan hnathawh tur an chhawp chhuak a. Thalai hna hmu nghal an awm bakah employer-te hnena inziaklut, interview leh document endik hma-bak thahnm tak an awm a. Zirna leh eizawwna kawng inkawhmuha-na (career guidance leh counselling) buatsaih nghalin, zirlai leh hna zawng lai thahnm takin an pan bawk.

Lunglei DLEO Lalbiakmuana Hauhnar sawi danin, Job Fair buatsaih chhan ber chu, thalai hna zawng mek leh hnathawk ruaitute awlsam zawka an indawr tawn theihna tur a ni a, thalai hna zawng mek leh zirlaite tana kawng kawhmuha turin career guidance leh counselling buatsaih tel a ni tih a sawi.

Lei laih dilna buai-puitute hriat tur hrihl

Aizawl Municipal Corporation chuan a huamchhunga lei laih dilna thehluttute lo buaipuia endiktu tur engineer leh geologist-te hriat tur tul hrihlhin Thawhlelni khan a kokhawm.

AMC Site Development and Slope Modifications Regulations 2017 tlawhchhana Aizawl Municipal huamchhunga mimal, kohhran, pawl leh a dangten hmunhma an laih dawnin AMC-ah dil hmasak a, an ni endik hnu ah phalna an pek chahin lei laih phal a ni.

Dilna lo buaipuia a hmuna endik thintu engineer leh geologist bakah soil engineer engemawzat chu AMC hnuai hian an inziaklut a. Tun tuma AMC-in a kokhawmah hian geologist 80, engineer 224, soil engineer 5 leh firm aiawh mi 7 an tel.

Hmanpuitu Aizawl mayor H Lalremtluanga

chuan, Aizawlin him leh tlo zawka hma a sawn zelna atan thil awlsam duh vanga dan palzut loa, mipui ban phaka awm turin a chah a. Mipui rawngbawlna rilru pu chunga an thiamna leh finna midang tana hmang turin a fuih. Executive corporator i/c SD&SM Vanlalhruaia pawhin, Aizawl himna leh hmasawwna atan theihtawp chhuah a, tanho puiah technical mite a sawm tih a sawi a ni.

AMC assistant engineer Lalnunmawia leh consultant geologist Jessy J Laltlanzaava ten SD&SM Regulations leh lei laih dil dana hriat tur an zirtir a. Geologic Review Board member Lalbiakkima’n technical mite tana hriat tur tul a sawi. Report thehluh dan bakah SD&SM Regulation chungchanga pawimawh sawiho a ni bawk.

HNA RUAK

F. Hrangvela Industry-ah Diploma in Civil Engineering, AutoCAD thiam mamawh a ni e, hlawh zat hi inbiakremna a ni ang. Hrechiang duh tan a hnuai number-ah hian biak theih a ni e. Interview hun : 29.7.2026 (Wed).

9436743330,
(3-2) 0389-213041

CHANGE OF NAME

I, TABITHA LALNUNMAWII FANAI has changed my name from TABITHA LALNUNMAWII to TABITHA LALNUNMAWII FANAI by the consent of magistrate.

CHANGE OF NAME

I, SARFUL ISLAM has changed my name from SORFUL ISLAM to SARFUL ISLAM by the consent of magistrate.

LUNGLÊN HLA BU

A thlûk inmila rem, Solfa awm leh awm lo chu Synod Bookroom hrang hrang, Elpee B.S.; R.L.Nutei B.S.; CVL BASS leh V.L. Press, (Ph. : 8974927913)-ah lei tur a awm e.



NOTICE INVITING EXPRESSION OF INTEREST / WILLINGNESS

As per Govt. letter No. B. 12017/1/2025-FCS&CA dt.20.07.2026, Expression of Interest/Willingness from reliable person(s) is invited by FCS&CA Department on behalf of the Governor of Mizoram for carriage of foodstuff under Main Routes and District Routes at Government approved rates. The Expression of Interest will be received by the Director, food, Civil Supplies & Consumer Affairs Department in respect of Main Routes and by the concerned District Civil Supplies Officers for District Routes upto 13.08.2026 and will be opened by them on first-come-first-served basis.

Details can be had from the office of Director, Food, Civil Supplies & Consumer Affairs Department for Main Routes and from the offices of the concerned District Civil Supplies Officers for District Routes, and may also be downloaded from the Department’s website at www.fcscamizoram.gov.in

*IPR No. 138
(3-1)*

**Sd/-
(SAIZIKPUII)**
Director,
Food, Civil Supplies & Consumer Affairs Department,
Mizoram :: Aizawl.

NOTICE INVITING TENDER (NIT) No.2 (CIVIL WORKS) OF 2026-2027

On behalf of Samagra Shiksha, Mizoram, the State Project Director invites bid in two-envelope system from empanelled firm under Finance Department, Government of Mizoram.

Tender Document can be viewed and downloaded from the department website www.samagramizoram.gov.in and <https://tender.mizoram.gov.in>. The Tender Document and other details can be obtained from the Office of The State Project Director, Samagra Shiksha Mizoram, Fourth Floor, School Education Complex, Zarkawt, Aizawl. (Tel: 0389-2306951) during office hours from 22nd July to 20th August 2026. Bidders obtaining Tender Document from the mentioned website, should pay for the cost of Tender Document upon submission of the Bid.

*IPR No. 134
(3-2)*

Sd/- C. LALTHANZIRA
State Project Director
Samagra Shiksha, Mizoram

STAINLESS STEEL

Stainless Steel hmangin Step Railing, Motor Body chei, Chhuar, Turkverh leh thil dang chi hrang hrang kan siam theih a, pan ngai lovin koh theih reng kan ni bawk.

Ph. 8258948082
LCM STAINLESS STEEL FABRICATION
Bawngkawn Lunglei Road



MFM SCHOOL OF NURSING, DURLTANG HEALTH WORKER/ANM ADMISSION OPEN

MFM School of Nursing, Durtlang-ah Health Worker/ANM Course , 2026-2028 Session atan Admission hawn a ni e.

Last Date – 4th August 2026

Dil thei chin-
1) Class 12 Passed (Any Stream)
2) Hmeichhia

Office Hours : 9:00 AM - 5:00 PM (Monday- Friday)

Form Lak Na : MFM Office, Bawngkawn/ MFM School of Nursing, Durtlang

Contact : 8014388698 / 9535701283 (3-1)

**GOVERNMENT OF MIZORAM
OFFICE OF THE SUPERINTENDING ENGINEER PHED
RURAL WATSAN CIRCLE
AIZAWL : MIZORAM
E-mail : serwcpshed@gmail.com**

No.T. 2000/01/NIT/2022/SE(RWC)PHE/5 : Dated Aizawl, the 20th July, 2026.

CANCELLATION NOTICE

Subject : Cancellation of Notice Inviting Tender (NIT) No. 1 & 2 of 2026 - 2027 dated 7th July, 2026

It is hereby notified for the information of all concerned that the Notice under mentioned below are hereby cancelled with immediate effect due to an unavoidable circumstances.

NIT No.	Name of work
1 of 2026-2027	Survey, design, supply, installation, testing & commissioning of solar pumping system and its associated components all complete with 5 years free service maintenance for Hreichuk W.S.S (Solar Pumping) (under NABARD RIDF-XXX)
2 of 2026-2027	Survey, design, supply, installation, testing & commissioning of solar pumping system and its associated components all complete with 5 years free service maintenance for Rulpuihlum & Chungtlang W.S.S (Solar Pumping) under SASCI Part-X (B)

*IPR No. 133
(2-2)***Sd/-
(LALZAWMLIANA)
Superintending Engineer, PHED
Rural WATSAN Circle : Aizawl.**

PLASTIC BAG LEH SAHAR IP THLAKNA LT ECO BAG


Thil siam tinreng tana chhiatna thlentu a nih avanga India sawkarin a khap, AMC-in Aizawl khawpui chhunga hman, zawrh leh lei a khap, plastic bag leh sahar ip thlakna, tawih thei chi hrang hrang zawrhna hmunpuiah hengte hi whole-sale leh retail-in kan pe chhuak a, dawr hming, logo leh address kan chhu thei nghal bawk e:
Bazaar ip khai chi leh ah chi (w-cut leh d-cut).
Tui put thei lo, sa chi tin reng leh ar chaw khaina chi (carry bag)
Thing leh pangpar kui tiahna ip, (nursery pot) size hrang hrang,
Seminar, workshop leh training-naa hman chi logo leh programme print theih (training folder)
Bawhlhlawh funna ip (biodegradable garbage bag) pangngai leh damdawi ina hman tur bika siam size te ber atanga lian ber thlengin
Hmuar leh bal laka peikhawk dah himna bakah zin chhuah nikhua thawmhnaw tenawi thunna pawhzih bag. Kum tam tak hman nawn theih puan chhah chi bag (tote bag)

LT ECO BAG
F-36 DR. SELBUANGA IN LOWER CHANMARI
GSTIN-15BF0CPV9548C1Z7 Email: ruatfelanu@gmail.com
Phone: 8837027840 / 9612163881 / 7085846671



PC Lawmkunga lehkhabu

Pu P.C. Lawmkunga lehkhabu ziah “SAPTAWNG ZIR DAN AWLSAM” tih leh “KA DAI VE CHIN” tih chu Lengchhawn Press, Khatla leh Pu P.C. Lawmkunga te In, Mission Vengthlangah lei tur a la awm e.



Dipke-a’n inbe tura sorkar chet hmasak phut, Pradhan a tawng chhuak

Thla hnih kal taa Cockroach Janta Party (CJP) movement dintu, Abhijeet Dipke-a chuan an lungawi lohna leh an thil phut lantir meknaah sorkar chu che hmasa zawk tur an nih thu sawiin an duh a nih chuan an duh dan ngaithla chungabe turin a ti.

Hetih mek lai hian bang tura an duh ber, Education Minister Dharmendra Pradhan-a pawh a tawng chhuak a, zirlaite hmakhua an ngaihtu a sawi.

Thla hnih kal taa movement dintuin Nilainia thuchhuah a siam hi NEET exam zawhna put ru avanga education minister bân phuta a hma ni hnih kal taa zirlai sang tel tak meuhvin parliament building pana kawng an zawh hniah a ni. NEET exam hi India-a undergraduate medical course zir thei tur zawhna niin kum tin zirlai maktaduai telin an exam thin a n.

“Sorkar hian inbiak a duh a nih chuan lo kal rawh se. Kan duh dan ngaithlain lo kal rawh se,” tiin kum 30 mi, Dipke-a chuan a sawi.

“Sorkar hi pawm turin kan ngen a, chu chu a tawpna tur a ni,” a ti.

He chanchin ziah lai thleng hian sorkar hian biak a tum em tih hriat a la ni lo va. “Lungawi lote hi an lo kal a nih chuan inbe turin kan inpei, tiin a sawi ve tho niin NDTV chuan a tar lang.

CJP erawh chuan sorkar zawk hi inbe tura che hmasa ngei tur niin an ngai a. “Inbiakna chu sorkar hian tun lam awm lohna hmun (neutral venue) emaw, Jantar Mantar-ah emaw a ti thei a. Kan thil phut hi kan hnuk



kir dawn lo va. Kan duh chu education minister a bân a ni,” tiin an thupuangtu, Ashutosh Ranka chuan a sawi.

Lungawi lo aiawhte inhmuh khawm vawi hnihna chu Nilaini chawhnu khan koh a ni.

Thawhlelni khan Dipke-a chuan sorkar chu a kai-hruai pawl nena inbiak dan tur a ruahman dan a zawt a, police-in punghawmte a hnawt darh chung a CJP nena inbiak kalpui tumna chu a duh lo.

“Sorkar hian kan hun min khawhalsak a ni. Kan aiawhte an lo sawm a, an mobile nena laksak a. Ashutosh Ranka leh Saurav Das te kha JP Nadda-a inah hren an ni ringawt a ni,” tiin Jantar Mantar-a ni 32 an punghawm tawhna hmuna mipuite hmaah a sawi.

“Ruahmanna kha engmah lo mai a ni a. Lehlamah min ko va, lehlamah zirlaite chu vuak an ni mek si,” tiin a sawi.

Thawhtanni khan Nadda-a hian CJP hian pahnithe chu hmuin sorkar hotute nen an sawiho leh tur thu a lo hrilh a. Hei hi mi sang telin parliament pana kawng an zawh hnu, police nen nasa taka an innawr hnuaah a ni.

A tukah Jantar Mantar-ah bawk pung khawm lehin venhimna khauh taka kalpui a ni a. Kawng erawh an zawh zui tawh lo.

Police hian tiang leh tear gas hmangin parliament pana kawng zawhte kha an tilet a, lehlam lehlam hian tharum hmangah an inpuh tawn.

Dipke-a’n sorkar a koh hma lawk hian bâng tura an duh, education minister chuan Prime Minister Narendra Modi-a sorkar chuan thalaite duh leh exam dan siam that chu a ngai pawimawh hle tih a sawi.

Hei hi Pradhan-a’n amah duh lova thalaite inhawr khawm mek a awm hnuaah tawngka a neih hmasak ber a ni.

“Kan sorkar hi rorel-na ina NEET chungchang leh thalaite thil ngaimawh sawiho turin a inpei,” tiin Pradhan-ah hian Thawhlelni zan tlai tawh takah khan a X-ah a tar lang.

“Zirlaite hian political campaign nana hman piyah lama tha hi an phu a ni,” tiin Thawhlelni chhuna Congress hruiatu, Rahul Gandhi-a leh mi dangte an tel vena chungchang a sawi chhuak.

Gandhi-a hovin eptu, Congress party chuan Modi-a chenna in tualah sit-in protest an huaihawt a. A far-nu, Priyanka Gandhi Vadra leh an hruiatu dangte nen police-in lain zan vek khan chhuah leh an ni.

NEET exam zawhna put avanga zirlaiten lungawi lohna hian a kang kai thui tawh hle a, state hrang hranga zirlaite chuan an awmhmunah thlawpna an lantir hlawn a, ram pum a tuam tan mek a ni.

Manipur-ah an ralthuam nen KCP-PWG hel 46 inpe

Dan pawna awm, Kangleipak Communist Party (People’s War Group) (KCP-PWG) hel pawla mi 46 chu Thawhlelni khan an ralthuam nen Manipur sorkar hnenah an inpe.

Sorkar laipuiin chawmdawlna a kalpui, ‘Home Coming Ceremony’ hnuaia Manipur home department-in Mantripukhri, Imphal West-a Assam Rifles (South) inspector general headquarters-a inkhawm a buatsaihah helte hi inpein an ralthuam - silai 28 chuang, puak thei dang leh thil dang an hlan.

Revised Scheme for Surrender-cum-Rehabilitation of Militants in North Eastern States, 2018 hnuaia

hah helte hi Chief Minister Yumnam Khemchand Singh-a kutah an inpe a ni.

Defence ministry-a Manipur, Nagaland leh Arunachal Pradesh chhim lam thupuangtu chuan ralthuam an tunte hi AK-series rifle pathum, AK-56 rifle pali, INSAS Ex-Calibur rifle pakhat, Self-Loading Rifle (SLR) pakhat, 9mm carbine pakhat, .303 rifle pathum, RPG launcher pakhat, 9mm pistol pakhat, 7.65mm pistol pakhat, double-barrel gun pahnih leh single-barrel gun pakhat a ni.

Heng bakah hian magazine 16, RPG shell pakua, hand grenade 23, electric detonator 40, No. 27 detonator paruk, blasting cap

300, kg 15 vela rit improvised explosive device (IED) pasarih, inbiakpawhna hmanrua pasarih leh silaimu 342 an hlan tel.

C h h a w m d a w l n a scheme hmangin mi pakhat zel hi vawi khatah Rs. nuai 4 pek an ni dawn a, kum thum chhung fixed deposit-a dah tur a ni a. Thla tin chhawmdawlna hun tiam chhung stipend Rs. 6,000 an dawng ang a. Rehabilitation camp-ah kum thum awmin kut them thiam thil zirtir an ni ang.

State sorkar chuan hel inpete hi Manipur police, Assam Rifles, Army, Central Reserve Police Force (CRPF), Border Security Forces (BSF) leh Indo-Ti-

betan Border Police (ITBP) tangho hmalakna a nih thu a tar lang.

Chief minister chuan hel inpe chu an state-a muanna a awm leh theihna kawng pawimawh a nih thu leh tharum tawhna an ban-san chu lawmawm a tih thu a sawi.

Director General of Police Mukesh Singh-a chuan sorkarin rehabilitation policy a kalpui hnuaah hel inpe 851 an awm tawh thu a sawi.

A hmain Union Home Minister Amit Shah-a chuan sorkar laipuiin kum 2029-ah hmarchhaka hel zawng zawng nuai chimih vek a tum thu a lo puang tawh bawk.

Sikkim lei verha thil puakah mi 12 thi, 13 zawng mek

India hmarchhak, Sikkim-a lei verh hna thawhna hmuna boruakalthei puak vanga hmun thenkhat chimah thawktu mi 12 vel an thi niin thuneituten an sawi.

Thawhtannia a chim atang khan mi 13 an tang a, zawn hna ngawrh taka thawh mek zel a ni.

National Disaster Response Force (NDRF) chuan lei verh chhung km 1.5 chuanga thukah a chim niin an sawi.

Lei verh hna thawh mek hi a bul lawka Teesta River atanga hydropower plant-a virmep lian chi (turbine) thlenga tui lakna tur niin Himalayan tlangdunga state-ah hian sorkar hnuaia mi, National Hydroelectric Power Corporation (NHPC)-in a hna hi a thawk mek a ni.

NHPC-in thuchhuah an siamah chuan ‘lung kara methane gas nia rin tangten puak hi siamin khu leh boruak tha lo tak a tichhuak ta’ niin an tar lang.

Sikkim sorkar pawhin chhiatna hi ‘methane gas kang’ atanga insiam niin an sawi ve bawk.

Methane hi mahnna boruakalthei insiam, lei hnuaia rei tak awm thei a ni a. A awmna lei verh a nih hian a chhuak a, thil tek leh kang siam thei nena an intawn fuh chuan a puak zui thei thin a ni tih sorkar hotu pakhat chuan a sawi.

Lei verh hna thawh meknaah hian hmun hrang hrangah mi 27 an bung mek a, pahnih chu hima tlan chhuak theiin mi dang 25 chu an tang zui a ni.

“Tang 25 zing atangin ruang 12 hmuh a ni tawh a, team-in mi dang 13-te hi khawiah nge an awm tih an zawng mek zel a ni,” tiin Superintendent of Police Sonam D Bhutia chuan Nilaini tuk khan thuthar lakhawmtute a hrilh.



Police chuan thi zinga mi pasarih chu tute nge an nih an hre tawh a, pakhat chu Sikkim-a mi niin a dangte chu West Bengal, Uttarakhand leh Assam state atanga kalte an ni.

An ruang endik hnuaah an thih chhan hi hriat theih a ni dawn tih thuneitute chuan an sawi bawk.

NDRF officer Mohsen Shahedi-a chuan mi dang zawn leh chhan chhuah hna thawk mek hi a la tangte

awmna lai ni ngei tura rin metre 200 bialah kalpui a nih thu ANI news agency a hrilh.

Chief Minister Prem Singh Tamang-a chuan thil thleng chhui tur hian special investigation team a din tawh a. “Eng thil nge thleng leh a thlen dan hre chiang turin mi thiamten nen kan inrawn a. Kan thil hriat atangin hma lak zel a ni ang,” tiin thuthar lakhawmtute a hrilh.

RAM PAWN

US-in Iran kap zel, lei hnuai nuclear hmun kahah a vau bawk



US chuan a zawna zan 11 nan Iran a kap leh a, Tehran chu an nuclear hmunte beihah a vau bawk.

US Central Command (Centcom) chuan ‘Iran-in Strait of Hormuz-a sumdawng lawngte an tihthaih theihna tihnep nan’ an kap leh tih a sawi.

Iranian sorkar chanchinbu pawhin an khawpui, Tehran-ah air defence tihnun a ni tih a sawi a. Tabriz, Chababar, Konarak, leh an nuclear plant awmna, Bushehr-ah thil puak a awm.

Iran hian Donald Trump-a’n lei hnuai nuclear hmunhma, Natanz bula mi an kap hnai tih a sawi hnuaah US leh Middle East-a an thawhpui ramte kapin an chhang let ve bawk.

Iran leh US hian April khan inkahhai an puang a; mahse, kar hmasa atang khan Strait of Hormuz tukawng inchuhin an inbei thar leh.

Centcom chuan US sipaite hian Iranian sipai hmun, tuipui an thlithlaina leh venna, thlawhna dahna, drone an chhekna leh sipai thil hrang hrang an kah thu an sawi.

Thla thum liam ta chhung khan Strait of Hormuz-a ‘sumdawng lawng 30 chuang’ beihah Iran hi an puh bawk.

“Tul lo taka beihna hian pawisawi lo tuipua hna thawkte nunna a tiderhawng a, zalen taka an kal

theihna a tichiang lo bawk,” an ti a. Tukawng chu ‘sumdawng lawngte tan hawn reng a ni’ tih an sawi.

Kuwait-a sipaite chuan Nilaini tuk khan an air defence chuan Iran atanga drone thlawkte an lo dang tih an sawi a, Bahrain leh Jordan pawhin drone leh missile an kap thla tih an sawi ve bawk.

A hmain US president chuan an sipaite bitum leh tur chu Pickaxe Mountain tia hriat, lei hnuaia nuclear hmun, Iran-in a puan lem lohva uranium a tichhakna hmun a ni tih a sawi.

“He hmun hi kan bei tep tawh a, na takin a ni dawn,” tiin Trump-a chuan White House-a Lebanese President Joseph Aoun-a nen an inkawmnaah a sawi nia tar lan a ni.

Iran-a Khatam Al-Anbiya military command chuan he hmun beih hian ‘an chhehvela indo a tizau dawn’ tih sawiin beih a nih chuan ‘America, an thawhpui leh thlawptute tan thil hlauhawm’ a thlen dawn tih a sawi niin sorkar broadcaster IRIB-in a tar lang.

Trump-a hian Yemen-a Iran-in a thlawp hel pawl, Houthi pawh Saudi lawng chawlhna dan an tum an kalpui tlang chuan ‘kan hma zel ang’ tih a sawi.

Houthi chanchinbu chuan Red Sea chhim lam chhuahka, Saudi panna, Bab al-Mandab Strait chu khar an tum tih a lo tar lang

bawk.

Red Sea hi US leh Israel tang dunin Iran an beih avanga Strait of Hormuz khar a nih mek lai hian Saudi Arabia atanga tualthei phurh chhuahna kawng pawimawh a ni.

Houthi thupuan hnuaah hian China leh India pan tur Saudi tualthei thlitfim loh phur lawng pahnih chu Saudi Arabia-a Red Sea lawng chawlhlmun, Yanbu atangin kirtir an ni a, Suez Canal an pan ta zawk niin British maritime risk management group Vanguard chuan a sawi.

Houthi-te vauna avang hian khawvela bungraw phurhna a buai lehzuai rin a ni a, heng lai vela indona hian khawvel puma tualthei man a tisang mek a ni.

Iran leh US hian June thla khar inbei tawh lo tur leh Strait of Hormuz hawnna tur inremna, Memorandum of Understanding (MoU) an ziaik a, ni 60 chhunga indawr zui an tum bawk.

Chawlhkar thum hnua Iranian-ten Hormuz-a lawng an beih an chhan let hnuaah Trump-a chuan inkahhai ‘a tawp’ tih a puang zui.

Iran nena an indonaah US hian \$ tuklehdingawn 37.5 a seng tawh a, May thlaa an chhut hnuhnung ber ain \$ tuklehdingawn 8 dawnin a tam tawh tih Defense Secretary Pete Hegseth-a’n Thawhlelni khan a sawi.

French tumhmun bul kang thelhnaah mi pahnih thi

France chhimthlang, Bordeaux-a thlawhna tumhmun bula kang thelhnaah kang thelhtu pahnih an thi tih thuneituten an sawi.

French chanchinbute chuan tumhmuna lirthei hunna bul maia kang hi a bul ram kang atanga kai niin in a kang kai a ni tih an tar lang.

Thlawhna atanga chukhten social media-a thlalak an dah chhuahah chuan meikhu dum tak van lama a chho a lang a. Bordeaux-Mérignac tumhmuna tum tur thlawhna tam tak tikhawvtai a ni.

A bika duan thlawhna nan kang thelhtu 100 velin tihmih tumin an buaipui.

Interior Minister Laurent Nuñez-a chuan Gironde department-a thuneituten thi an awm thu an hrilh tih a sawi a. Thawhlelnia French parliament-a zawh-



na leh chhanna hunah kang thelh hna thawh enpui turin ‘a hma thei ang berah’ Gironde hi a pan dawn tih a sawi.

Khaw lum uchuak leh rei takin tun hnaia ram kang a siamin a tihbui French department tam tak zingah Gironde pawh hi a tel.

Thawhlelni vek khan

chhimchhaka Var department-ah kangmei a chhuak a. Pontevès-a kang hi ‘tun dinhmunah chuan thunun loh leh inman kai chak tak’ niin France puma kang thlithlaitu, PSFDF volunteer association chuan an sawi.

Kang thelhtu leh chhan chhuaktu 500 chuang tih

niin mi 150 vel hmun himah suan an ni tawh.

France-ah hian kuminah kangmei 11,000 dawn a chhuak tawh a, President Emmanuel Macron-a chuan kar hmasa khan Indopui IIna hnuaah hetiang kangmei chhuak nasa hi an la tawng lo niin a sawi.

European Forest Fire

Kum 2025-ah Brazil-a Amazon kang chhia a tlahniam nasa

Kum 2025-a Brazil-a Amazon ramngaw kang chhia chu a hma kum chiaah aiin a zim hle tih ramngaw thiah thlithlaitu pawl, MapBiomas chuan a sawi.

MapBiomas report-ah nikum khan Brazil-a Amazon hi hectare maktaduai 3.1 a kang chhia a, a hma chiah kum kha chuan hectare maktaduai 15.8-a zau a tling.

Kum 1985-a MapBiomas-in a chhinchhiah tan atangin khawvela rainforest zau ber hi a kan chhiat zim ber tum a ni.

Kum li kal taa President Luiz Inácio Lula da Silva-a’n inthlan a chuh lai khan Amazon hum chu a tlangaupui nasat ber pakhat a ni a. A chhia a zim hi October thlaa inthlan leh hun atana campaign-na tha taka tiing tura ngaih a ni.

uchuak leh mihring khawih vang’ niin a sawi.

“Kum 2025-a kang chhe zat hi he rama ram kang chhia hi a tihtlem theih tih chiang taka lantirtu a ni,” tiin Amazon Environmental Research Institute (IPAM) researcher, MapBiomas-a co-ordinator ni bak, Vera Arruda-i chuan a sawi.

“31% a a tlahniam hi kum 41 chhunga Amazon a kan tlem ber a ni a, chanchin lawmawm a ni a, chutihruai chuan hetiang renga kal tur leh invenna kan kalpui zel a ngai a ni,” a ti.

MapBiomas report-ah hian Amazon chauh lo pawh, Brazil pumah kum 2025 khar ram kang a tlem tih a lang.

Kum 2025 khar Brazil-ah hian hectare maktaduai 12.7-a zau kangin kum 2024 kha chuan hectare maktaduai 30-a zau a kang.



30.7-a zau a kang.

Amazon ang chi, tropical rainforest-te hi rannung maktaduai chuang awmna niin khawvel lum zel tur vengtu pawimawh tak an ni.

Kum tam tak chhung lo atana leh thing lak nana thiah a nih nasat avang leh sik leh a inthlak nasa avangin

a kang chhe nasa hle a ni.

President Lula-a’n thuneihna a chan veleh a thlak tak, Jair Bolsonaro-a’n a kalpui dan a thlak ngahal a. President chhuak ta khar Amazon-a lo neih leh thil laih chhuah tamin retheihna a tihtlem a beiseiawm thu a sawi a, mi tam takin ramn-

gaw thiah a tam phah niin an ngai.

Kum li a sorkar tura kum thumnaah chuan Amazon ramngaw thiah chu 75%-in a pung hman a. January 1, 2023-a Lula-a’n a thlak khan ‘kan tum chu Amazon thiah zero-a dah a ni’ a ti ngahal a ni.

Temami Pa Thukhawchang :



R. Lalrinkima
Hidden Lodge
Chanmari, A izawl

Hman deuh khan Mizoram sawrkar chuan Small Hydel Project 7(pasarih) te chu **Kundan Green Pvt Ltd** hnena a lo pek tawh thu kan tarlang tawh a. Chung Small Hydel Projects(SHP ti zel tawh mai ang) hrang hrang te atanga ‘Free Power Supply’,(an thar chhuah za zel atanga a thlawna kan hmuh tur) han tarlang hmasa pawh teh ang:-

- 1) Serlui B (12MW)—20%,
- 2) Maicham Phase-I (2.00MW)— 20%
- 3) Maicham-II (3MW)—17%
- 4) Tlawva-(5.00MW)—17%
- 5) Tuipui(0.50MW)—17%
- 6) Serlui A(1.00MW)—28% leh
- 7) Tuipanglui-(3.00MW)—17% te an ni.

Heng zingah hian Serlui A SHP (hei hi Aizawl bul, PHE tuilakna Reiek kai bula awm a ni a,thangkhat lian zet tui dawt tur a awm tak loh vang leh tuilakna(Channel) chhia siamthat tak loh vanga hnathawk tawh lo a ni a. Tin, Tuipanglui SHP hi tui kawng (power channel) thir pipe lian leiminin a tih chhiat bakah khawl khawhvir tur tui dahkhawl lailawkna(Forebay) pawh he pipe chhia hian a pawh chhiat tel avanga reitak hnathawk loa a wm hnuah pawisa tam tak senga heng leiminin a tihchhiatte hi siam that an nih hnu pawha la hman theih loh a ni a.(hman theihloh anihna chhan tak chu a kipkawiin ka hre lo) Heng hre-reng chung hian Kundan Green Pvt Ltd te chuan hnathawk(power pe chhuak) leh theia siam theih in beiseiin an kutken tawh dawn a ni. Tin, Tui-pui SHP hi Champhai bula awm niin reitak hnathawk thei loa a awm hnuah siam that a ni a, December 2024 hnulamah khan power a pe chhuak leh ta rih lo a,(heipawh hi a chhan ka hre lo) hetichung hian Kundan GPL te chuan an kutken turah a tel bawk a, power pechhuak leh theia buatsaih an tum bawk ang.

SHP pasarih(7) zinga khing a chung a tarlante bakah Tlawva SHP,-

KUNDAN HNENA PEK TAK SMALL HYDEL PROJECT-TE TUN DINHMUN

Serlui B SHP,Maicham I&II SHP ten thla riat(8) chhunga an power tharchhuah, a sum hlutna anga keima lo chhinchhiah ve te ka han tarlang lawk ang e(power tharchhuah unit khat man hi average in Rs 5.85p angin chhut a ni):-

Serlui B SHP (23.8.2024 to 23.4.2025) = **Rs 749,14,122.00**
Maicham Phase-I (23.8.2024 to 23.4.2025) = **Rs 74,72,571.00**
Maicham Phase-II (23.8.2024 to 23.4.2025) = **Rs 80,52,435.00**
Tuipui (23.8.2024 to 23.4.2025) = **Rs 11,50,022.00**

(Heng hi Department-a ka awm hun tawp dawn lama nitina power kan thar chhuah, State leh Central Sector, report P&E Department in a tarlan atanga kuthlei thila ka lo chhut ve na a ni a, ka rate hman pawh hi ka thawhpui Engineer thenkhatte’n ‘awm min tihpui’ ang a ni e)

Sawrkar hna May 2025 atanga ka chhuahsan tak hnu khan Kundan GPL hnena heng projects te hi engti-kahnge hlan fel an nih hun chiah engmah ka hre tawh lo nain a chung a kan tarlan te zingah khian Serlui B SHP hian reitak generation a la nei nain tumkum February thla laiawl atang khan Kundan GPL ten cheithat hna an thawh tan avangin power pechhuah a ni ta lo a, kumdanga ka chhut anga khawl tlan la ni ta se la, hetiang hi kan sum hloh dan tur niin a lang:-

Serlui B SHP (7.2.24 to 24.4.25) = Rs 261,02,053.00
Maicham Phase-ISHP (23.8.2024 to 23.4.2025) =Rs 74,72,572.00
Maicham Phase-II SHP (23.4.24 to 23.4.25) = Rs 80,52,435.00
Tuipui SHP (23.4.24 to 23.4.25) =Rs 11,50,022.00

SI No 2 to 4 te hi Department tan enkawl a rem chiah tawh loh avangin fur ruahtui a lo tlak tan a khawlin eng a pechhuah veleh theih hunah an chawl zui ta a ni. Tihian, Kundan GPL hnena kan SHP te a awm tak china kan sum hloh ni thei ta chu Rs 427,77,080.00 a lo ni ang. Serlui B SHP hi 4MW khawl pathum(3) niin khawl khat chauh(4MW) a tlan

kumtluan thin a, khawl pathum hian an tlan lo tih theih a ni a(tlan ve zeuh hun chu an nei a, a reilo hle thung)

Tichuan, sawrkar leh Kundan GPL te inremna ang chuan Serlui B SHP tharchhuah atanga 20% free power man chu kan sum sumkar tur a ni ang a, chu chu (20% of 794,14,122.00) Rs 158,82,824.00 a ni ang a, a bang zawng (794,14,122—158,82,824) Rs 635,31,298.00 chu Kundan GPL te chuan an pumbilh dawn ta a ni. He sum an hui tak tur hi a hlutna Rs 5.85p per unit anga chhut a ni a, an ni hian min lei tirma tur chu Power Purchase Agreement siam ang a ni dawn a, hei hi engzat chiah nge ni tih ka hre zui ve ta la. Tuna State pawn atanga kan lak luh man average Rs 7.00 per unit ang ni ta se, an hlawkna khi a la pung sawt dawn tih a Chiang a ni. Chutiang zel in Maicham-I&II leh Tuipui te pawh khi free power kan dawn tur hlut zawng a pawisain han chhut ila, Zoram chhunga kan tui ngei hmanga an hlawkna an tel tur tur hi tam tham tak a ni.

Eng pawh chu ni se, ngaihtuahna uluk tak senga kan sawrkar hian he ruahmanna hi siam a ni a, Cabinet Meeting Agenda(proposal) ka hriat ve chinah chuan ti hian zotawngin tawi fel deuhin han dah chhin ta ila- ‘Heng khawl te hi kumtluana tluangtaka tlan tir thei tur chuan fund neihsa neih a ngai a, chungte chuan khawl part chhia te thlak zung zung a ni ang a. Nimahsela, chutimaia fund hi hmuh zung zung theih anih siloh avang leh hmuh pawhin a tlai thin avangin heng khawlte hian an kumkhat thar chhuah a tlem phah em em a. Hei hi project enkawl na tur fund chungchanga harsatna anih avangin kan Hydro Plants te hi tip top conditiona dah reng an harsa a ni.

Hetih lai hian firm thenkhat kan khawl te cheihnuma sawrkar sum telloa kum 40 chhung enkawl a, free power pawh percentage engemaw zat royalty anga min pek huam an awm a. Heng free power baka power thar chhuah chu State in firm te nena inremna angin kan lo lei ang bawk dawn a ni. Hetiang hi heng SHP te kan outsource dan tur chu a ni a, profit margin(free

Wawiin Changvawn

Thufingte 25: 27

Khawizu in tam lu

THE AIZAWL POST

Editorial..... Mizo Daily Newspaper

Hmarchhak state-te dinhmun...

16th Finance Commission-in, chhiatna a lo thlen thulha tanpuina (DM&R Fund) a chhut danah, teh-fung atana a hman mekte chu India hmarchhak state te tan chuan hman a remchang ve lo tiin tun hnai khan hmarchhak state-te chuan hemi chungchang hi an sawi ho a. State tinin mahni dinhmun lo zirchiang a, hmalak zel dan tur ngaihtuah ni se, an ti a. An ngaihtuah ho hi remchang hmasa berah Guwahati-a sawiho leh tur a ni.

Hun kal tawh thlir letin, 15th Finance Commission hun laia chhiatna fund sem dan tur chhut dan formula kha, sawiseln a thawm hriat a ni lova; state mal thenkhatin duhkhawp lohna neia an lo sawisel a nih pawhin, tun anga hmarchhak state pum huap anga inrawnkhawm rup rup ngai thil ang kha a thleng ngai lo niin a lang.

Tun 16th Finance Commission (2026-31) ah hian, hriat theih chinah, state tin chan tur chhut nan tehfung pahnih ‘A’ leh ‘B’ a awm a. ‘A’-ah chuan, 2011 atanga 2024 thlenga state ten chhiatna avanga sum an hman tawh average lak a ni a; hei hian 70% a keng a. ‘B’-ah chuan Disaster Risk Index (DRI) atan ‘multiplicative’ (Hazard x Exposure x Vulnerability) hman a ni a, hei

hian 30% a keng ve thung.

Hazard-ah hian chi 10 dah a ni a, chungte chu: tuilian, khaw-khêng, thlipui, lirnghing, leimin, rial tla, khawvawt, ruah baw-hawk (cloud-burst), kawlphe leh lum lutuk (heat-wave) te a ni a. Exposure hi mihring awm zat a ni a, ‘mipui an tam chuan in leh lo, thlai etc chhia a tam’ tih behchhanna a ni. Vulnerability chu state per capita income atanga teh a ni bawk.

Hmarchhak state-te hi mipui tlem tê tê awmna state kan ni hlawm a, Exposure-ah hian kan dinhmun a hniam duai thei; chhiatna nasa tak tuar chungin mipui tlem avangin Fund hmuh tur a sang thei dawn lo tihna a ni mai awm e. Thil dangah pawh sawi tur tam tak a awm thei ang.

15th Finance Commission hun laia DRI chhut dan Additive (Hazard+Vulnerability) kha keini abikin tlangram state-te tan chuan a la tha ber tihna a ni awm e.

Eng pawh ni se, DM&R Fund chungchang chauh pawh a ni lova, sawrkar laipui scheme leh project-a guidelines te hi hmarchhak state tana hman (apply) remchang ve chiah lo hi a tam thei hle a, hengte pawh hi hmarchhak state huap hian sawrkar laipui ah thlen ni se a duhawm hle bawk a ni.

power) erawh State sawrkar tan chuan a tlem hle(minimal) ang’ tih te an ni.

Fund neih mai harsatna chungchang tarlan khian State sawrkar in Small Hydel Project hi a tuipui chiam lo a, funding chungchangah mawngvawm-ba angin tha a thawh duh lo a, a mawng a hlim tih te pawhin a sawi theih awm e. Power-a intodelh tur hian potential tha tak nein kan insawi fo naa kan in-todelhna khawp power siam chhuak tur hian state a retheih avangin a kalk-awng a thui em em a ni. Tun sawrkar pawh hian Tuirini(24MW) leh Tuivai (132MW) hi tunhmaa sawrkar hmasa ten hma an lo lak tawh an buaipui chhunzawm lem loh rawn thar thawh leh an ni a. Hmana ka ziah tawh ang khan Tuirini SHP hi BRICS Loan hmanga thawh tura tihfel diam tawh

Covid vanga pawisa harsat lai a nih vanga Pu Zoramthanga’n ‘thawh rih loh mai ni se’ a tih kha a ni a, kawng thui tak zawh zo tawh mahse hei hi a hmawr bawkna chu a ni a. Tun sawrkar hian he kawng hlui tho hi rawn zawh velehin tunhnaiah khan Chief Minster in lung te pawh a phum ta kha a ni a,engtiang takin nge an sawrkar chhung hian an kalpui ang tih hi lo ngaichang ila.

Tin, Tuivai pawh hi Viability Gap Funding, India rama Hydro Power Project atana hmasa ber tura Congress term hnahnunga kawng zawh zo thawkhat tawh, mahse sawrkar tharin a bawhzui tak loh kha a ni bawk tih ka han tarlang leh hrim hrim a ni e.

CM-IN WORK DEPT A CHANG LO TIH HI A DIK EM?

Jordan Joute

Aizawla mi ngei

ZPM sawrkar hnu hian hengte hi CM lamah lak chhuah a ni tawh...

Taxation - from Mathlana

PMJVK - from Sawivunga

Tribal Affairs - from Rinpuii

DPAR - from Sapa

Siamrem, inrawlh, thunun???

DMR - Sapa to Nitea

Horti - Nitea to Sawivunga

Tourism - Rinpuii to Tetea

IPRPS - Mathlana to Chhanzova

Tihian, ZPM MLA ho chuan ‘fik’ pawh zuk la ti ngam chuang lo a! Thusawi chu an thei, huaisenna erawh an tlachham. Him taka term khat hman tluan hram thlahlelin ngawi an dawh a ni ber.

A hnuia viral msg hi lo en leh ila “RTI zawhna chhannaa a lan danin, CM enkawl planning dept hian contract work a khawih hnem ber a,

dept thenkhat budget aia tam work an khawih tawh.”

PORTFOLIO CHUNGCHAN- GA DELHI EX-CM KEJRIWAL LEH MIZORAM CM

“ZPM chief minister chuan Portfolio a nei ve dawn lo” tih Chiang taka a sawina video hmuh theihin a awm, a hnuah CM portfolio nei lo an awm ngai lo” a ti leh a (Delhi Ex-CM Arjun Kejriwal khan pakhatmah a nei lo thung). “Work dept alawm kan tih” a ti leh a nih kha.

SAWRKAR DEPARTMENT MAHNI DUH DAN DANA PAWH SAWIH

Planning & Programme Implementation Department hi ram leh hnam hmasawna tura ruahmanna (policies & development plans) siamtu leh, sawrkar sum leh pai hmansiam dante chhutchhuaka vilzui tur leh, sorkar laipui leh state inkara ruahmanna hrang hrang lo siamtu tur an ni.

Mahse, kalphung thar hnuiaiah chuan, planning dept chu work dept chu a ni lo ngei tih kan hria, mahse

planning hnuiaia engineer awm ngai lo kha social welfare dept a thawk lai engineer pakhat chu planning-ah hian dahin, social welfare dept hnu-aia central project (infrastructure) awm thinte laksak vekin, “work dept alawm ka enkawl lovang ka tih” tih ang deuhin, work dept ni si lo, work khawih nasa ber dept ah CM enkawl dept hi siam a ni thung.

Finance atanga dept te work an allocate dan leh sem dan phe chu ‘rapthlak eltiang’ tih ang deuh a ni, an ti a. Kan la RTI leh ang chu.....

THUNEIHNA LEH LALNA IN- PEK BELH

Sawrkar hmasa lamah khan, social welfare & tribal affairs dept hnuiaia central project te hi, an Dept Director / Jt. Director, etc. te chairman-na hnuiaiah central duhdana din, “EMRS Society” ten tender leh monitor thlengin an enkawl thin.

Heng zawng zawng hi kalphung thar hian kal kanin, dan siam-chawp hmanin CM enkawl planning dept hnuiaiah hna mawmho hi dah vek a ni.

HENG PROJECT TE HI A HMUN TUR LEH A SUM DAWN ZAT TUR HI TIHFEL SA VEK AN NI

Heng central school EMRS te hi, social welfare department hnuiaiah a hmun tur leh project kal dan tur hi sawrkar hmasa lamah tihfel sa vek a ni a, chungte chu:

1. Tlungvel	24.00 cr
2. Zawlnuamm	24.00 cr
3. W.Phaileng	50.23 cr
4. Pangzawl	50.45 cr
5. Khawzawl	50.20 cr
6. Sawleng	49.56 cr
7. Lungsen	50.38 cr
8. Khawbung	49.26 cr
Total: Rs. Vbch	3,48.08

THUNEIHNA MAWM DANG LEHCHU

Heng bakah hian, social welfare dept ami (ministry of tribal affairs) hnuiaia article 275(1) scheme hnu-aiah development awm thin kha laksak vekin, planning hnuiaiah dah vek a ni a, tunah hian hna 52 a awm mek bawk. Chungte chu:

1. Aizawl district - 883.84 lakh
2. Lunglei district - 195 lakh
3. Siahla district - 605 lakh
4. Champlain district - 350 lakh
5. Kolasib district - 171. 33 lakh
6. Serchhip district - 125 lakh
7. Lawngtlai district - 170.13
8. Mamit district - 324. 8 lakh
9. Saitual district - 55.7 lakh
10. Khawzawl district - 156 lakh
11. Hnahtial district - 151 lakh

Total - Rs. Nuai 3,187.8.

GST HLOH ZAWNGIN DEPARTMENTAL WORK

CM dept enkawl hnuiaia contract hna Rs. nuai 3806.78 zet te hi, EMRS school restricted tender leh a chung a Rs. nuai 3187.8 zet te hi departmental work hmanga duhsak zawngte pek vek an ni awm e, contractor te chhan ve theih tur open tender angin an ti lo.

“Portfolio nei lo tur leh work dept alawm ka tih” titu CM enkawl dept pakhat hnuiaia contract work an khawih hi, work dept thenkhat aiin work an khawih hnem zawk hialin a rinawm!

2026 Fifa World Cup thlirlet leh zuai ang

Lionel Messi leh Cristiano Ronaldo atangin Cape Verde lasi thawnthu, VAR chelek dan sawisep kai leh fan-te hriat zui hlawh tur thil tam tak thlenna Fifa tournament lian kan thlir-liam takah khan hawikir leh zawi zawi teh ang.

Team 48 inelna hmasaber World Cup-ah khan ram tam zawk an inlan thei ta a, match khelh pawh hun hmasa lam aiin a tam a, hun remchang pawh hun liamta aiin a inhawng zau ta zawk a nih kha.

Fans tan ruai ropui

Thla khat lai mai kha North America khawmualpui chuan common language-ah football a hmang a; New York kawthler lun mangkheng atangin Mexico beach rang ruai, chu ta tangin Canada ram park dai leh reh riai thlengin football chu mite titi ber a ni a; he khawmualpuia an khawpuite chuan football kutpui an chen a.

Fans hmai rang riai ruai zi nuai nuai karah hun tawp dawna goal thun lawmin mikhual t heuh theuh inkuah ta lawp lawp hmuh tur awmin, zinkawng thui tak tak zawhtu khualzinte chu a tawpa nui ta leh tap chung a kirlehte an insulpel zut zut mai!

Serthlum rawng thuam inbel chung a Dutch fans-in Brazil fans thimpui (sea of yellow) hmaa lam an han thai tak takte kha a hmuhdawm e...

Japanese supporter-te an fel leh bik a, an pawlte inkhelh zawha stadium chhung hnawk an han thian leh bik thlapte khan khawvel hi an tihahdam!

Khawvel thlinlung hnehtu thliarkar kha...

Champion zui ta Spain meuh pawhin an hneh zawh loh awmchhun leh an tana fiahna tak tak tling kan hmuh chhun Cape Verde khan Round of 32-ah finalists Argentina meuh pawh an barakhaih teuh hle nain chu em chu an puitlin zo ta lo a nih kha.

Debutants Cape Verde goal-a ding kum 40 mi Vozinha pawh kha kumin World Cup larpui ber a ni hial awm e.

Mipui maktaduai chanve awrh chenna he thliakar rem te reuh te hian an bulanna inkhelah Spain an han draw nghal pang a, Messi hoa inlan Argentina meuh pawh extra time khelhpuiin, tun tournament-a match thlir manhlaberte zinga mi ni taah kha a tawpah 3-2-in tlawm mah se zan khat thil thua global star rawn ni ta an goalkeeper Vozinha chuan a vawi khat World Cup khelhnaah sulhnu ropui a hnutchhiah.

Chuai mawh old master pahnih

Argentine superstar Lionel Messi chuan kum 39 tlin tawh hnuah pawh chuai tih reng a la nei lo a, 2026 Fifa World Cup khelh zawh takah khan match sarilah goal riat thunin a team chu final luhpui leh mah se a hmawrbawkna inkhelah Spain an ngam ngang lo a ni!

Khawvelin Messi avangin Argentina lam an hawi lo thei lo a, Fifa leh a bikin an president Infantino pawhin he South American team hi an hmingchhiatpui hial a nih kha!

Texas-ah chuan uicho takngial pawhin Messi shirt an ha fur a; Czech Republic-ah chuan supporter pakhatin a car rawng chu Argen-

tine legend hlimthlain a thlak hial a ni.

Kum 41 mi ni tawh chungin Cristiano Ronaldo pawhin world champion nih a han tum leh ngial a, Messi ang bawka tum ruk ngawt World Cup a khel tling chung pawhin a tum ram a thleng zo ta lo a ni.

A team chu pre-quarter final a paltlangpui zawh loh avangin a trophy cabinet-ah 'trophy' pakhat hmuh tur a awm ve dawn ta lo a ni!

Chhuan thar kan hmu

Spain rawlthar duhawm Lamine Yamal chuan hliam a thawhsan hnuah World Cup ngei mai chu a thiamzia phochhuahna'n a rawn hmang thei ta a; England pawhin Jude Bellingham-ah an zawn an hmu a tih theih ang a; France captain Kylian Mbappe pawhin khawvela attacker hlauhawm ber a nihna khawvel a hriattir nawn leh!

Norway lamah hnah thar Erling Haaland chuan defender rual hrilhhaiin a siam fo a; Harry Kane pawh England tan a vul chhunzawm a; Michael Olise kha France chhuanthar eng ber pawh a ni ngei ang.

Sawi hlawh ber technology

Tuntum zet chu VAR an chelek na salh salh hle mai a, he technology avang hian goal tawh hnu an sut a, penalty a hring chhuak a, penalty sutlehna hmanrua a ni a, stadium hrang hrang leh mahni in luma inkhel entute zingah he VAR teivet hian ngaihdaan a tiphir nasa a; Egypt phei chuan Argentina laka an tlawm chhanah thil dang kawh an nei lo!

Croatia pawhin Portugal lakah he technology hi an thapui tlawk tlawk a; Switzerland player Breel Embolo chu tournament chhunga VAR larpui berte zinga pakhat niin, a yellow card chu he khawl hian red card-ah a chantir a, inhnialna lian a chawkhchuak!

VAR hlawkpui bera ngaih chu 2022 champion Argentina kha niin, tih-elna tawngkam lar tak 'VARgentina' tih chu social media lamah a rawn lar phah ta hlui a ni nih kha!

Football hian technology mamawhna a nei ngei ang a, mahse, khawl inrawlhna tam zawk hi chuan entu mipuite a hneh hran lo niin a lang!

Football-a timeout kha!

Volleyball leh infiamna dang thenkhatah chuan timeout tithe a lar a, sawisel pawh a

hlawh hran lo a, mahse, kumin World Cup lai first leh second half-a tui tlakchham palh venna break tawi (hydration break) zet kha chuan lawm a hlawh fahran lo!

Kha thil an kalpui chhan kha nipui khawlu-min player-te a sawpchauh hlauhthawwna vang niin Fifa lam chuan an sawi taknain mipui ngaihdaan a thuhmun thei tlat lo!

Television broadcaster-te tana sumdawn-na huang zauhna hmanrua anga ngaihna chu Fifa insawifiahna pawhin a benghniam hlei thei lo a; inkhel kal tuang lai lai en tui laklawh lai tihbui a ni thin kha player hluite ngei ngei pawhin an sawisel bawng bawng a, kum 2026 hnu lamah chuan hydration break hi kan hmu zui tawh kher lo mai thei!

Fans sum phawrh a sang

Fifa lamin inkhel en man an tuk san vawi vawi em avangin stadium a ruah hiai huai hlauhthawwna piang bawk mah se a tawpah chuan fans ipite zawk a ruak leh ta tho a!

Group-stage ticket-te kha official-a an bituk dan chuan US dollar 140 atanga USD 2,700 chuang man niin, final ticket-ho khan USD 8,600 a hawlh pha hial a; chutih laiin ticket lei tawhte kha hralhchhawn leh a nasa a, chu chu thenkhatin sum siamna atan an lo hmang ve mek bawk a, resale ticket engemawzat chu dollar maktaduai khat mante zu ni a maw le!

Politik nena thlunzawm World Cup!

Kumin World Cup laia sawihlawh berte zinga pakhat chu US president Donald Trump leh Fifa inkungkaihna kha a ni!

Football hi he sport-a politik inrawlh in-tiduh lo berte zinga pakhat ni bawk mah se Trump-a duhdan angin US player Folarin Balogun-a automatic red card-te chu an han hnukdawk leh vel kha a ni a; Belgium last 16 game-a American red card hmuh kha Trump chuan mimal takin Fifa president Gianni Infantino hnenah ennawn leh turin a ngiat a, a hlawhtling Chiang vai vai teh e!

Kha thil leh Fifa-in Argentina leh Messi a vulh bika ngaihna piang avang khan Fifa hmai a maw phah nasa a, Infantino pawhin duh lotu leh dodaltu a ngaih phah hlui a, Fifa president thar thaln tur boruak pawh kumin World Cup avang khan a 'hot' zual phah ngei ang!

FIFA world ranking top 100 leh India

#	Nation	Squad size	Avg. age	Total value	Confederation	Pts.
1	Spain	26	26.9	Rs. 9,782 Cr	UEFA	1996
2	Argentina	26	29.3	Rs. 6,820 Cr	CONMEBOL	1970
3	France	26	27.1	Rs. 12,184 Cr	UEFA	1949
4	England	26	27.4	Rs. 10,866 Cr	UEFA	1923
5	Brazil	26	29.5	Rs. 7,426 Cr	CONMEBOL	1805
6	Morocco	26	26.7	Rs. 3,582 Cr	CAF	1804
7	Portugal	26	28.2	Rs. 8,044 Cr	UEFA	1788
8	Belgium	26	27.8	Rs. 4,380 Cr	UEFA	1778
9	Netherlands	26	27.9	Rs. 6,034 Cr	UEFA	1776
10	Mexico	26	28.0	Rs. 1,717 Cr	CONCACAF	1754
11	Colombia	26	30.2	Rs. 2,483 Cr	CONMEBOL	1740
12	Germany	26	28.2	Rs. 7,576 Cr	UEFA	1726
13	Croatia	26	28.5	Rs. 3,098 Cr	UEFA	1723
14	Switzerland	26	28.4	Rs. 2,660 Cr	UEFA	1711
15	Italy	23	21.1	Rs. 2,552 Cr	UEFA	1705
16	United States	26	27.0	Rs. 3,217 Cr	CONCACAF	1690
17	Japan	26	27.6	Rs. 2,167 Cr	AFC	1674
18	Senegal	26	27.2	Rs. 3,825 Cr	CAF	1653
19	Norway	26	26.9	Rs. 4,719 Cr	UEFA	1651
20	Uruguay	26	28.9	Rs. 2,914 Cr	CONMEBOL	1635
21	Denmark	23	25.7	Rs. 2,920 Cr	UEFA	1619
22	Iran	26	30.5	Rs. 256 Cr	AFC	1610
23	Austria	25	28.4	Rs. 1,946 Cr	UEFA	1599
24	Egypt	26	29.2	Rs. 932 Cr	CAF	1597
25	Ecuador	26	26.2	Rs. 2,950 Cr	CONMEBOL	1593
26	Nigeria	23	26.7	Rs. 1,378 Cr	CAF	1585
27	Turkiye	26	27.8	Rs. 3,790 Cr	UEFA	1583
28	Australia	26	27.5	Rs. 620 Cr	AFC	1582
29	Algeria	26	27.0	Rs. 2,055 Cr	CAF	1577
30	Canada	26	27.1	Rs. 1,657 Cr	CONCACAF	1571
31	Ivory Coast	25	25.6	Rs. 4,176 Cr	CAF	1565
32	South Korea	26	28.2	Rs. 1,112 Cr	AFC	1559
33	Ukraine	25	26.7	Rs. 1,976 Cr	UEFA	1549
34	Paraguay	26	29.2	Rs. 1,281 Cr	CONMEBOL	1542
35	Russia	33	26.5	Rs. 1,942 Cr	UEFA	1530
36	Poland	26	26.4	Rs. 1,857 Cr	UEFA	1526
37	Sweden	26	27.7	Rs. 3,273 Cr	UEFA	1526
38	Wales	27	26.7	Rs. 1,445 Cr	UEFA	1517
39	Hungary	29	25.8	Rs. 1,674 Cr	UEFA	1506
40	Serbia	27	23.1	Rs. 1,676 Cr	UEFA	1502
41	DR Congo	26	29.2	Rs. 1,149 Cr	CAF	1495
42	Scotland	26	29.3	Rs. 1,362 Cr	UEFA	1491
43	Cameroon	24	23.8	Rs. 1,589 Cr	CAF	1481
44	Panama	26	30.6	Rs. 276 Cr	CONCACAF	1478
45	Slovakia	26	27.0	Rs. 479 Cr	UEFA	1474
46	Greece	25	26.4	Rs. 2,205 Cr	UEFA	1473
47	Venezuela	25	25.4	Rs. 624 Cr	CONMEBOL	1469
48	Czechia	25	27.6	Rs. 1,361 Cr	UEFA	1467
49	Chile	25	26.0	Rs. 534 Cr	CONMEBOL	1458
50	Peru	24	27.2	Rs. 245 Cr	CONMEBOL	1458
51	Costa Rica	21	24.9	Rs. 226 Cr	CONCACAF	1456
52	Romania	24	26.2	Rs. 456 Cr	UEFA	1456
53	Mali	27	25.7	Rs. 933 Cr	CAF	1456
54	South Africa	25	27.0	Rs. 380 Cr	CAF	1451
55	Republic of Ireland	27	25.0	Rs. 1,181 Cr	UEFA	1441
56	Slovenia	25	26.7	Rs. 804 Cr	UEFA	1441
57	Tunisia	26	26.8	Rs. 560 Cr	CAF	1427
58	Saudi Arabia	26	28.7	Rs. 325 Cr	AFC	1426
59	Qatar	26	29.6	Rs. 159 Cr	AFC	1411
60	Uzbekistan	26	28.3	Rs. 681 Cr	AFC	1410
61	Bosnia-Herzegovina	26	26.6	Rs. 1,171 Cr	UEFA	1409
62	Burkina Faso	25	25.1	Rs. 886 Cr	CAF	1407
63	Iraq	26	27.1	Rs. 170 Cr	AFC	1404
64	Cape Verde	26	29.8	Rs. 436 Cr	CAF	1403
65	Ghana	26	27.1	Rs. 1,875 Cr	CAF	1387
66	Honduras	26	25.5	Rs. 171 Cr	CONCACAF	1379
67	Albania	26	27.5	Rs. 710 Cr	UEFA	1376
68	United Arab Emirates	24	26.8	Rs. 232 Cr	AFC	1370
69	North Macedonia	25	27.9	Rs. 276 Cr	UEFA	1369
70	Northern Ireland	23	23.9	Rs. 639 Cr	UEFA	1365
71	Jamaica	24	23.3	Rs. 72.4 Cr	CONCACAF	1358
72	Georgia	27	26.4	Rs. 2,093 Cr	UEFA	1355
73	Jordan	26	28.6	Rs. 162 Cr	AFC	1350
74	Iceland	24	27.8	Rs. 708 Cr	UEFA	1343
75	Finland	27	26.2	Rs. 340 Cr	UEFA	1342
76	Israel	23	25.5	Rs. 545 Cr	UEFA	1334
77	Bolivia	28	23.9	Rs. 148 Cr	CONMEBOL	1326
78	Kosovo	28	26.4	Rs. 1,182 Cr	UEFA	1319
79	Oman	28	28.8	Rs. 66.6 Cr	AFC	1307
80	Montenegro	28	28.0	Rs. 558 Cr	UEFA	1302
81	Guinea	20	23.8	Rs. 160 Cr	CAF	1296
82	Curaçao	26	28.2	Rs. 206 Cr	CONCACAF	1286
83	Syria	25	28.1	Rs. 63.88 Cr	AFC	1283
84	Gabon	35	27.8	Rs. 285 Cr	CAF	1273
85	Bulgaria	25	25.8	Rs. 241 Cr	UEFA	1272
86	New Zealand	26	28.4	Rs. 282 Cr	OFC	1270
87	Angola	27	29.5	Rs. 372 Cr	CAF	1266
88	Haiti	26	27.6	Rs. 447 Cr	CONCACAF	1265
89	Uganda	29	28.2	Rs. 70 Cr	CAF	1264
90	Zambia	23	26.4	Rs. 113 Cr	CAF	1256
91	China	26	28.0	Rs. 115 Cr	AFC	1255
92	Bahrain	24	29.7	Rs. 48.6 Cr	AFC	1254
93	Benin	25	26.3	Rs. 146 Cr	CAF	1252
94	Thailand	25	28.4	Rs. 43.8 Cr	AFC	1251
95	Palestine	30	26.9	Rs. 82.68 Cr	AFC	1244
96	Belarus	24	26.4	Rs. 140 Cr	UEFA	1243
97	Guatemala	23	25.9	Rs. 62.2 Cr	CONCACAF	1239
98	Luxembourg	23	26.3	Rs. 120 Cr	UEFA	1233
99	Vietnam	25	27.3	Rs. 53 Cr	AFC	1227
100	El Salvador	26	26.7	Rs. 42.88 Cr	CONCACAF	1225
138	India	22	26.9	Rs. 32 Cr	AFC	1085

F1 DRIVERS' WORLD CHAMPIONSHIP

Pos.	Driver	Ram	Team	Wins	Points
1	Andrea Kimi Antonelli	ITA	Mercedes AMG Petronas F1 Team	6	204
2	Lewis Hamilton	GBR	Scuderia Ferrari HP	1	159
3	George Russell	GBR	Mercedes AMG Petronas F1 Team	2	154
4	Charles Leclerc	MON	Scuderia Ferrari HP	1	126
5	Lando Norris	GBR	McLaren Mastercard F1 Team	0	103
6	Oscar Piastri	AUS	McLaren Mastercard F1 Team	0	92
7	Max Verstappen	NED	Oracle Red Bull Racing	0	91
8	Isack Hadjar	FRA	Oracle Red Bull Racing	0	60
9	Pierre Gasly	FRA	BWT Alpine F1 Team	0	42
10	Liam Lawson	NZL	Visa Cash App Racing Bulls F1 Team	0	39
11	Arvid Lindblad	GBR	Visa Cash App Racing Bulls F1 Team	0	22
12	Franco Colapinto	ARG	BWT Alpine F1 Team	0	19
13	Oliver Bearman	GBR	TGR Haas F1 Team	0	18
14	Gabriel Bortoleto	BRA	Audi Revolut F1 Team	0	10
15	Carlos Sainz	ESP	Atlassian Williams F1 Team	0	6
16	Alex Albon	THA	Atlassian Williams F1 Team	0	5
17	Esteban Ocon	FRA	TGR Haas F1 Team	0	3
18	Fernando Alonso	ESP	Aston Martin Aramco F1 Team	0	1
19	Nico Hulkenberg	GER	Audi Revolut F1 Team	0	
20	Sergio Perez	MEX	Cadillac F1 Team	0	
21	Valtteri Bottas	FIN	Cadillac F1 Team	0	
22	Lance Stroll	CAN	Aston Martin Aramco F1 Team	0	

F1 title race kar a zau zel

Pathianni khan Belgium rama tlankawng hmingthang Circuit de Spa-Francorchamps, Stavelot-ah Belgian Grand Prix an tlan a, nuamsa taka hnehna chang Mercedes driver Kimi Antonelli chuan Formula One championship standing-a amah hnaihbertu Ferrari driver harhtharna rawn chang chho leh mek Lewis Hamilton lakah point 45-in hma a hruai fal ta.

Italian driver Antonelli tan tun kha tun season round 10 an tlan tawha a vawi ruk chak berna ni tawhin, lawmman semna dawhsan lawn pha lo tawk chia-

ha palina luahtu Briton Hamilton kha pitstop atanga a tlan chhuah dan him taw lo avangin a chet dan chhui-chian mek a ni.

Belgian race-ah khan Hamilton nen an insut avangin Antonelli team-mate George Russell chu intlansiak tir lamah a retire phah nghe nghe a ni.

Hamilton-a'n podium a chan phak loh chiah chiah laiin a Ferrari team-mate Charles Leclerc chu pahnihaah thlengin, Red Bull driver Max Verstappen chu pathumna a ni a, Red Bull-in Formula One podium an luah tum 300-na chiah a ni.

Shakira & Burna Boy “Dai Dai” a lar ber



World Cup zo tawhin, Spain-in Argentina hneha championships trophy an khaw lama an hawpui tawh hnuah pawh football fever a la reh mai lo a, Shakira leh Burna Boy hla sak, 2026 FIFA World Cup official song “Dai Dai” chu kar khat chhunga khawvel huapa hla lar ber niin, Billboard Global 200 chart-ah a No.1 a, hetihual hian Oasis “Wonderwall” pawh top 5-ah a lang.

Billboard Global 200 chart hi kar khat chhunga khawvel huapa hla lar dan tehna niin, chart ranking siam nan hian ram hrang hrang 200 chuanga official-only stream (subscription leh ad-supported audio leh video music services) leh download sales teh chu tehna pawimawh a ni.

Sakira leh Burna Boy te “Dai Dai (FIFA World Cup Official Song 2026)” chu kar khat chhunga hla lar ber a la ni

a, kar hnih chhung he chart-ah hian a No.1 ta a, he chart-a official World Cup anthem No.1 ni thei hmasa ber a ni. Hetihual hian Oasis 90s classic ‘Wonderwall’ pawhin World Cup zar zoin, top 5 a rawn kai ve leh ta a, he hla hi World Cup laia England fans lamin an hman lar avangin a rawn lar thar leh ta a ni.

‘Dai Dai’ hian kar khat chhungin stream maktaduai 43 leh sales 5,000 neini, chart No.1 a ni. World Cup hmawr bawh dawn lamah he hla hi lar lehzualin, opening ceremony, June ni 11-a Mexico City-a Estadio Azteca-ah Shakira leh Burna Boy te hian an lo perform tawh a, World Cup final halftime show-ah an perform leh bawh a ni.

Oasis “Wonderwall”-in stream maktaduai 35 leh sales 4,000 neini, No.21 atangin No.4-ah a invawrh a, he

hla hi kar khat chhungin stream 64%-in a pung a, fans lamin England World Cup team awih nan an hman avangin a hla hi hralh a kal thar leh ta a, a wavi khat nan he chart top 10-ah a rawn lang ta a ni.

He hla hian 1996 khan Billboard Hot 100 No.8 te pawh a lo kai tawh a, Billboard Global 200 chart-ah hi chuan 2024 khan No.50 a kai a, chu chu a tawn san ber a ni thin a, tunah No.4 a rawn kai ta a ni.

Chart No.1 hlui Ariana Grande “Hate That I Made You Love Me” chu No.2-ah bawh awm lehin, Ella Langley “Choosin’ Texas” chu No.3-ah bawh a la awm a, chart No.1 hlui Michael Jackson “Billie Jean” chu No.4 atangin No.5-ah a tawlh ve thung.

Billboard Global 200 Top 10:
1 Dai Dai (FIFA World Cup

Official Song 2026) - Shakira X Burna Boy
2 Hate That I Made You Love Me - Ariana Grande
3 Choosin’ Texas - Ella Langley
4 Wonderwall - Oasis
5 Billie Jean - Michael Jackson
6 Stupid Song - Olivia Rodrigo
7 Dracula - Tame Impala & JENNIE
8 Beauty And A Beat - Justin Bieber Featuring Nicki Minaj
9 Swim - BTS
10 Ordinary - Alex Warren

Realme Narzo 100x 5G India-ah hralh chhuak

Realme Narzo 100x 5G chu nimin atang khan India-ah an hralh chhuak tan ta a, 4GB RAM + 128GB storage chu Rs 20,999 man niin, 6GB RAM-ah 128GB leh 256GB storage awmin Rs 22,999 leh 24,999 man te an ni ve thung. He smartphone hi general discount Rs 2,000 a awm a, hei bakah hian Rs 500 discount coupon a awm bawh.

Realme Narzo 100X 5G hi dual-SIM niin, Android 16-based Realme UI 7.0 a hmang a, octa-core MediaTek Dimensity 6300 chipset leh ARM Mali-G57 MC2 GPU neini, thermal management atan 5300 sq mm AirFlow Vapour Cooling System a nei bawh.

6.8-inch HD+ (720x1570 pixels) LCD panel neini, 144Hz refresh rate, up to 180Hz touch sampling rate, 90.4 percent screen-to-body

ratio, 1,200 nits High Brightness Mode leh 254ppi pixel density a nei a, a display hi Panda-1681 glass a thuam a ni bawh.

A hnunga AI a thuam camera pahnih-50-megapixel primary camera (f/1.8 aperture, 75-degree field of view, 5P lens) leh 8-megapixel selfie camera a hmaah neini, AI Note Assistant, AI Eraser, AI-powered Portrait Lighting leh AI Pulse Light feature te a nei bawh.

Connectivity-ah chuan 5G, 4G LTE, Wi-Fi 5, Bluetooth 5.3, USB Type-C port, GPS, BeiDou, GLONASS, Galileo, QZSS, A-GNSS a support a, sensor hrang hrang a neih zingah accelerometer, ambient light sensor, electronic compass, leh proximity sensor awmin, a pangah fingerprint sensor a neih bakah face unlock a support bawh.



He smartphone hian ArmorShell Protection neini, MIL-STD-810H military-grade shock resistance test pal- tang a nih avangin tih deuh sawk sawk pawh dawlzoi viau tura ngaih a ni a, IP65 dust & water resistance rating a nei

bawh. 8,000mAh battery neini, 45W SuperVOOC fast charging leh reverse charging a support a, a battery full-charge-in gaming time darkar 12 niin an chhal bawh. He smartphone hi 166.4 x 78.2 x 8.8 mm a lian, gram 224 a rit a ni.

Citroen Basalt X Comfort Edition India-ah tlangzarh



Citroen India chuan an Basalt X-ah Confort Edition an tlangzarh a, showroom-ah Rs 8,75,000 man a ni. Basalt hi Citroen car-ah Confort Edition nei pahnihna niin, Aircross X-ah Confort Edition hi an lo tlangzarh tawh bawh.

Comfort Edition hi a danglamna langsar deuh chu a chhunglam cheina niin, Metropolitan Beige leatherette seat a nei a, Confort AXS Pack neini, he package-ah hian JBL audio system, front leh cabin dash camera, reverse parking camera,

wireless charging le 10-inch touchscreen te a tel.

A mechanical-ah tihdanglam a awm lo va, q1.2-litre naturally aspirated petrol engine, 81 bhp leh 115 Nm torque pechhuak thei bakah 1.2-litre turbo-petrol engine awmin, manual gearbox 108 bhp leh 195 Nm torque pechhuak thei leh automatic 205 Nm torque a awm. Naturally aspirated engine hi 5-speed manual a ni a, turbo-petrol-ah ian 6-speed manual le 6-speed automatic transmission a awm bawh.

Ferrari Amalfi Spider India-ah tlangzarh



Thla hmasa lawk khan Ferrari chuan Indian market-ah an Amalfi grand tourer thar an tlangzarh kha a ni a, tunah a aia model sang zawk Amalfi Spider pawh an tlangzarh leh ta a, showroom-ah cheng vaibelchhe 4.6 man a ni. Amalfi Spider hian fabric soft-top thleh theih a nei a, 60kmph a chaka a tlan lai pawhin a chung khuhna hi second 13.5 chhungin a inhawngin a inkhuh thei niin an tarlang.

Thla hmasa lawk khan Ferrari chuan Indian market-ah an Amalfi grand tourer thar an tlangzarh kha a ni a, tunah a aia model sang zawk Amalfi Spider pawh an tlangzarh leh ta a, showroom-ah cheng vaibelchhe 4.6 man a ni. Amalfi Spider hian fabric soft-top thleh theih a nei a, 60kmph a chaka a tlan lai pawhin a chung khuhna hi second 13.5 chhungin a inhawngin a inkhuh thei niin an tarlang.

A design-ah chuan Amalfi Spider hi a design lamah a rawn thlak tak coupe nena khaikhin chuan an update nual a, 5-layer fabric folding roof a rawn neih tak bakah hian a hnunglam design an tidanglam deuh a, a chung khuh inhawna a inthleh khawmna lai vel tur an ruahman tel ta a ni. Ferrari chuan 5-layer roof design hi a sound proof lama pawh hard-top convertible roof nen a inang reng niin an tarlang bawh.

Amalfi Spider hian wind deflector duh huna thlawn mai theih a hnunglam seat hnung chiaha a nei a, 2+ GT niin, a hnunglam seat hi puitling chuan nana duan a ni lo a, naupang te deuh zawk te chuan theihna tura duan deuh zawk a ni. 15.6-inch digital instrument cluster neini, 10.3-inch landscape-oriented central touchscreen bakah a passenger tan display dang a nei tel bawh.

Amalfi Spider hi a boot space litre 255 dawng niin, mahse, a chung khuhna hawn chuan litre 172 dawng a ni thung. A car hi a leitu turin a duh dana a tihdanglam theih a awm nual a, a rawng bakah wheel design atanga upholstery leh stitching thlengin a tihdanglamna tur duhthlan tur chi hrang a awm nual.

A mechanical-ah chuan Amalfi Spider hian 3.9-litre twin-turbo V8 engine neini, 631 bhp leh 760Nm torque pechhuak thei a ni a, 8-speed dual-clutch automatic gearbox neini, second 3.3 chhungin 0-100 kmph a chakin a tlan hman a, a top speed chu 230kmph a ni bawh.

Phuah Pawlh

Kg 27 ak chung a push up tiin record siam



Indian pa fit zek zawk tak mai, Rohtash Chaudhary, kum 41, a hming lemah pawh “Push-up Man of India” an lo tih hial chuan a hming a pu zo khawp mai, pound 60 (kg 27.2) a rit ak chung a push up tihnem thei ber a ni ta.

Rohtash hian Jawaharlal Nehru Stadium, New Delhi-ah record

hi siamin, pound 60 a rit a hnunglama ak chungin push up wavi 847 chawl lovin a ti thei a, record a siam ta a ni. A hmaa hetiang record chu 2023-a Syrian Sami Jomah Hassan siam a ni a, Sami record hi a rawn khum ta a ni.

Rotash hi motor accident avangin kum hnih dawn a taksa tiche thei lovin a awm a, heta tanga dam chhuak leh tura a beihna lamah physical training a neih thin te chuan amah a tiphurin nuam a ti thei hle a, a dam that leh tak hnuah pawh physical fitness chu a tuipui ta zel a, tunah chuan khel lovin nitin exercise a la ta ngei ngei a, a theihna te pawh tihpun zel a tum a ni.

Tunah chuan India sorkarin a ram mipui te an lo active zawk theih nana hma a lakna pakhat Fit India Movement-ah ambassador a ni.